

Maki Naña Pol Siria
Pa Pan Li Nalelagaena Wa Lala
Nae Garu
ROM
Visayuena Na Tusi Nene

Komņasnen suniena plas na tusi nini

Pol siri maki nini vena kila ruruen kiena mrapa, naña sinenan sape va visu li nalelagaena lala gar Rom. E kiena sitomiena, naga sinenan sape yuñae re yam ve plas ga amio li nalelagaena la nae yo nene, vena siraunia aiila naga naña sinenan sape yalen silau va garu Spen. Pol kilia ruru naña visae yaru lelaga e Yesu Kristo, a imi ve yaru kiena Yesu naña taveve kiena ðelaga e kiena maliena, yaru nene yoko ve yaru mesmesu e marana Ntewa. Ana komin suri ne na nene, naga siri maki nene vena visawlaen ðelaga na lelagaena naña po van li nalelagaena lala gar Rom. Tusi nini puara purþesnen sitomiena kiena Pol e mrapa la naña yaru kilia lelaga e Kristo.

Sumo, naga pisa pokolemalo pan li na suñare lala nae Rom, a pisawal panla sape naga suña mlotu wola. Ana siraunia, pisawal si purþesnen sitomiena na maki nini, naña pisape “Lologena wo nene naga suña kilologia ke ðelaga lala naña yaru kilia imi mesmesu e marana Ntewa. Siar e purþesia va tol luwasia, ðelaga nena mñalivi ke e ita kom ga e lelagaena.” (1:17)

E tusi nini, Pol pisayu ruru va moki kiena purp̄esnen sitomiena. Naga sape yaru make ga, pe suri korena ga naña visae ape lus nae Israel pona pe ape lus nae re Israel poli, ana ita punuga maran taaga, tesike vatanon m̄areraena na milamulena viowa.

A yaru kilia imi ve yaru mesmesu e marana Ntewa, visae naga lelaga ga e Yesu Kristo. Suri si tai, Pol pisayu maliena naña yaru sikol ruru naga amio Kristo, e malena viu naña yaru pimi mesmesu e marana Ntewa. Yaru naña lelaga e Kristo, naga pe marawo amio Ntewa, a Ninunane Ntewa kilia visaruru kiena maliena, naña kilalua naga vetan milamulena viowa, a kila naña m̄areraena na milamulen viowa amio marena pe aṗuar re si naga poli. A siari e marana na keviu 5 pa tol marana na keviu 8, Pol pisawal sanape naña Ntewa mila navisaluaena pa kiena yeririna na sumo lala, a pisawal m̄ena ṗelaga naña Ninunane Ntewa sum̄a miyum̄ae ke e malena kiena yaru naña mlelaga e Yesu Kristo.

A naga pisayu m̄enaga naña lus nae Israel lala, a la naña pe ape lus nae re Israel poli, la punuga akilia asikol la e namaplarena naña Ntewa Kila vena yaru na yomarava la atavevea. Pogos naña sape visi ṗisi narui, naga sape ṗelaga naña lus nae Israel la asum̄a apilon m̄asila pa Yesu, Ntewa naga kilia sape yoko ve sanene, ana kila naña naga sinena miyee makega yeririna na yomarava, ana pitetalia Yesu pimi, vena ita naña telelaga ea, tekilia teimi mesmesu e marana Ntewa. A Pol mlelaga sape lus nae Israel lala,

yoko la na taṣatete avilon masilia va Yesu silaga, monar avilopu la yam tai.

Pito e luwasnen m̃aki nini, Pol pisayu ṣelaga naṣa li nalelagaena la monar atavevea e kiela maliena lala, a metavan m̃ena nanene pisayu ṣelaga naṣa ita monar sineta si yaru taṣena lala. Pisayu ṣelaga naṣa yaru tavevea e yuṃaena kiena Ntewa, a ṣelaga naṣa li nalelagaena la monar akila van ṣarin suṣe lala na purvanua, pona va yerkawa taṣena lala. A naga pisayu ṣelaga naṣa li nalelagaena la monar asitom ruruia vena re akila kare re sitomena kiena yaru taṣena. E luwasnen kiena m̃aki, naga amio kiena erau lala apisa kiela visena na potena pan kiela erau taṣena lala garu Rom, a kiena visena maro, pisawal visena tai na yeluaren Ntewa.

Komṣasnen tusi la na nini

Visena ṣesa amio purṣesnen sitomiena na m̃aki 1:1-17

Yaru makega monar awar malena viu naṣa Ntewa kian pimi 1:18—3:20

Mrapa kiena Ntewa na tamaliaen yaru 3:21—4:25

Maliena viu kiena yaru naṣa sikol naga amio Kristo 5:1—8:39

Namaplarena kiena Ntewa pa kiena lus nae Israel lala 9:1—11:36

Ṣelaga wo naṣa li nalelagaena la monar ataveveia 12:1—15:13

Visena maro 15:14—16:27

Visen ṣesia

¹ Erau nae Rom lala:

Inu Pol nevisa pokolulagi pona pokolemalo van amiu e kia kiena Yesu Kristo, naña in na nepe kiena yar na yuññaena, in na nepe nalologena ke naña Ntewa pio inun narui, mligan lua inu vena neyuññaen navisawalen kiena lologena wo viu nene.

² Lologena wo nene, naga sike loyuñña e visena lala na Nasiriena Wa kiena ne Ntewa rui, nane e visawalena lala naña kiena navisawalena lala apisawal na konua konua rui pimi. ³ Pupia sur naña lologena viu nene pisawalia, nane Yesu Kristo kieta Suñe, naña pe narina ne Ntewa naña mligan naga pimi m̄alivin ita e yomarava nini. Naga ke narui naña e lepas na mratava puna, tekilia tevisave naga molue nenaga e lus kiena ne yermarua Parin Suñe Tepet. ⁴ Ana e lepas na ninuna, naga pe wa pañisi, naga molue ruru nenaga kome lus kiena ne Ntewa. Am̄em̄ar naga mare, ana e kiena pupia m̄areraena, Ntewa kila naga mal ruru sina ga. Ana tekilia tevisu kilale ruru tesape lelaga, kieta Suñe nene naga pe narina ne Ntewa kemua lelaga.

⁵ Naga ke narui naga pisirlua inu nepe nalologena, a mligan lua inu vena nevano e p̄egas nen yeririna tañena la naña pe ape Yu re poli, vena la m̄ena ga akilia alelaga e Ntewa, vena akilia alogear kiena visena. Yuññaena na sanene naga pe nalaena wo tai naña Suñe mla pan inu, ana nekekaran nakilaena vena kiena kia va metava.

⁶ A nagane, nesuñña nekila ke yuññaena nene e amiu, komin naña amiu m̄ena kiamiu kia sike loyuñña e, amiu m̄ena amio li tañena la nene naña Ntewa pio la, vena aim ave yeririna kiena

Yesu Kristo. ⁷ Amiu yeririna m̃ena la naṣa naga sinen si amiu paṣisi, naṣa naga pisirlua amiu ape kiena li nalelagaena wa lala e pupia pulkumali naṣa Rom, nane nekekaran manene narui nesiri m̃aki nini piṃasu pan amiu.

Nesiri sanene, nemlen nesape lemamiena a naṣinesiena kiena ne Arimata Ntewa amio kieta Suṣe Yesu Kristo, pimi keviu e kiamiu malena la peve taaga.

Pol sitom manene paṣisi vena va m̃alivin la gar Rom

⁸ Sumon naṣa nevisawal sur laṣas van amiu, nemlen e kia kiena ne Yesu Kristo, nepisa potena keviu pan kieta Ntewa vanon amiu. Nesape nekila ve sanene, komin nanagane, visena e lepas na kiamiu ṣelaga wo na suṃalun m̃areraena e lelagaena e Kristo, naga suṃa pa mlewo make yo moki narui. ⁹ Sur nene kila nekekara paṣisi, komin naṣa nemiyuṃae kiena ne Ntewa nakonua rui nemio kiau malena wetelu, nemiyuṃaen visawalen lologena wo naṣa piṣayu narina. A naga kilia m̃a naṣa nesuṃa nesitoṃal amiu silaga e kiau leniena, ¹⁰ a nesuṃa nepiun ke m̃ena tania nesape visae mesmes ga e kiena nasinenanena, yoko naga kila kiau mrapa vena nekilia neim noṃalivin amiu. ¹¹ Sineun manene naṣa neim nevisu amiu vaṣisi, a visae nekilia neim nelipere re nalaena kiena Ninuna Wa vena kila amiu aṃarera laa sane, vera na wo vaṣisi. ¹² Nemlelaga nesape kiau viawaena kilia iilar amiu, a sineun neimi vena kiamiu viawaena kilia iila inu m̃ena ga, a visae sanene ita tesuṃa temiila ruru ita ke sina ga.

¹³ Erau lala, sineun nesape akilia naña sane yam mok liu, noñion viñasen pun amiu pañisi, ana silaga mrapa pe po re poli komin sur lañas suwo ga yo, kila narui pe nepiñas re poli wa. Ana sineun iñasen pañisi, vena kiau yumñaena kilia war mrasa e amiu naña amlelaga rui, sa naña ãar mras rui e la naña pe ape Yu re poli e yo tañena lala. ¹⁴ Yumñaena naña sike e lumñau naga sanini, sane monar nelologo nenaga van ita, ita le Yu lala, a van mñaena yeririna tañena lala, a monar nelologo van la naña akilia suria a la mñaena naña pe akilia re sur poli, ¹⁵ nane kila narui sineun neim nevisawal lologena wo van amiu e kiamiu pupia pulkumali naña Rom.

¹⁶ Lologena wo nene, nane mrapa taaga ga naña namareraena kiena ne Ntewa miyumñaee ea vena la tamaliaena van yaru, kila sane silaga pe nemawan re visawalen poli. Lologena wo nene pimi mñaliv ãesan pun ita le Yu lala, siraunia mlewo palilue pun la naña pe ape Yu re poli, ana yar ai naña lelaga, yoko lual malena ea. ¹⁷ Lologena wo nene naga pe kieta mrapa na kilaen naña teim temesmesu sina e marana Ntewa, vena ve tetol re si nakoena vanon kieta mlamulena viowa lala, ana popon tekilia sane monar tesiar amio naviawaena, a yoko toñisin amio naviawaena, komin naña sane visena marua tai kiena ne navisawalena Añakuk pisa, pisape

“Yaru naña visae wasine ga Ntewa,

yoko Ntewa kila naga imi mesmes ruru nenaga, nane mrapa nenaga nene vena tolen malena.”

¹⁸ Mrapa na tolen malena toña ga, ana ãarmãrera a napiowaena pule manene laa likan yeririna la naña pe ape Yu re poli e yomarava nini, kila sane asuwo manene visena lelaga lala kiena ne Ntewa, ana sanene tepisu naña Ntewa sike ma e peni, kiena sinemimiena monar imi ñalivi kilapel la nenaga. ¹⁹ Naga sumã ãi plan ke kiena ãelaga wo lala pimi ñalivi e yometava e maran yeririna la rui, ana popon avisu kilalea, ana pe sinelan re kiliaena poli. ²⁰ Lelaga sane Ntewa naga pe pe yar re poli, ana yar taãatete visuia, ana siar e nasiiena yomarava nini pimi tol nagane, yar la asumã apisu ke kiena ãelaga wo lala, ana akilia apisu kilale asape naga pe Ntewa kemua lelaga. Visae avisu ga kiena nasiiena lala vera na taãatete si aviun avisave aña naga ai.

²¹ Visae peraga, akilia asape Ntewa sumã ga, ana pe akilali re naña sinelan akila kiela sitomena su vatanon poli, pe akilali re naña sinelan visaen potena van poli vanon kiena nawoena la pan la. La pe asitom re sur ta poli, pano pano o kiela sitomena lala pulen make ga yemalolo. ²² Asitom ke asape ape manmarua, ana apa ape wowe make la, ²³ a pe amlotun re si Ntewa naña taãatete si mare pogos tai poli. Yepel mavin ga naga, ana amiyumaen ga nono la naña aãar maran yaru pona maran manu pona maran sur mal la ne sane nopi lala pona ya, ana asitom ke asape alotun ga sur la ne sanene narui.

²⁴ Pogos naña akila sanene, Ntewa sinen maren kiela þarmarera la nene, ana mligan la vena asuña akilakila ga napiowaena ya naña la sinelania. E pogos nena nene narui tevisu naña yar la asuña akila þelaga na mawaena lala e tasnela, ²⁵ a monar ve sanene, komin akovenlua visena lelaga kiena ne Ntewa, amligan visokanena kus lelana, a pe amlotu re si Ntewa naña popon ayeluar kiena kia wa silaga, ana apatanon ga sur la naña naga sii la.

²⁶ Apilopu kare suri make sanene, ana Ntewa pe pisaluþar la re si poli, ana tamñan la apa akila þarila amio kiela nasinenanena viowa lala. Sa naña sira lala pe apa re si amio yermene poli, ana apa amio ke sina ga sira, ²⁷ a yermene mēna lala pe asitom re si asape popon atalopa amio sira poli, sa naña Ntewa pisa pisape popon akila, ana la asuña sinelan ga yaru, asuña apa amio la ke sina ga e þelaga naña temawan visayuena. Yumñaena la ne sanene pe mesmes re nena poli, a la naña asuña akilakila ke sanene, yoko e kiela malena lala, alual ga nakoena la naña torokin yar naña kila sanene monar kusia.

²⁸ Yar sur la ne sanene, pe asitom re Ntewa poli e kiela malena lala, pe sinelan re mēna kiliaena poli, ana Ntewa pe pisaluþar la re poli, ana mligan la vena kiela sitomen viowa lala were la ava nena e þelaga viowa lala. ²⁹ Akila mña sanene pano-o opisu kiela malena pimi pulen þelaga na kilaroen navisaluaena, amio napiowaena lala, navinayaena, amio sitomen viowa lala na kila kareen yar taþena. Amloi, añemoñar yar lala,

apeveyun la, apisokani, sinela kar yar tařena lala, asumã apisasayu la,³⁰ apisatamãela, a e lepas kiena ne Ntewa, la pe sinelan re nena ga. A amio řelaga viowa la nene, ape řarmãarera pařisi, ařarwar la, apis vilave, amaplar na kilaen sur viu viowa lala nařa nanua sumo na peraga, a pogos nařa kiela yermarua la apis pan la, pe sinelan re nena loge laen poli.³¹ Yar la nene tekilia tevisave la pe ape manmarua re poli, pe apuarar ruru re kiela navisaarena poli, pe ape lemam re poli, pe kiela nasineyeena re nena poli.

³² Akilia ruru visena kiena ne Ntewa, akilia mã nařa Ntewa pisaar marena pa yeririna la ne sanene rui, ana pe asitom re nena ga. Asumã akila luen ga sanene, a metavana, akekaran manene pařisi nařa visae avisu kiela erau tařena la asumã akila ke viowa sanene amio la.

2

Ntewa naga taaga liřere yaru lala

¹ Sanene, visae ko na yere Yu tai nařa osuãa opisu ke napiowaena kiena yaru tařena la nene, yoko ositom ve sanape? Pona ositom osape ko na opo, la apiowa ga, ana peraga, napiowaena nařa teke e ko maran taaga, ana tařatete si ovisa sur tai. Ko ope yar na liřereen yar tařena lala, ana osuãa omliřere ko ke ga ne, komin osuãa okila ke sur torokin ke nařa omliřere la vanonia.

² Ana sane tekilia mãaga, yoko Ntewa la nakoena va la make nařa akila piowa sanene maran ve taaga.

³ Pona ko tai naña ositom ke osape ko na opo yo, komin naña opis ke pa yar na kilaroen navisaluaena, ana ko mēna ga osumā okilarovia, ana pe pon re ositom ovisave yoko nakoena naña Ntewa lavia taṭatete tol ko. ⁴ Pona ositom ke osape Ntewa pe lemam paṭisi yo, naga sinen miye yaru, pona kiena sitomena piavi, nane ositom ke osape taṭatete kila sur tai van ko yo? Ee, Ntewa po paṭisi sane osunā opisa ke ne, ana kiena lemamiēna pe tamān ko re naña osumā okilaroro navisaluaena poli, ana vena were koena ovilon ko vetan mlamulena viowa naña osike ea.

⁵ Ana ko na pe otamān re nena naña ovilon ko poli, okila luen ga ṗar mārera pa māga, ana sanene osumā okila naña omiunpolo ke kioṃa nakoena lala vano tol pogos naña yoko sinemimienā kiena ne Ntewa liṗere nena yar lala. ⁶ E pogos nene narui yoko naga vion plan van yar lala toroki taveve sa naña la asunā akila ke ne.

⁷ Sane yeririna la ṗasa, apa rurula ga, asunā akilakila ke ga ṗelaga wo la silaga vena kiela kia la wo e marana Ntewa, akilia kila naña atol naurarena nae peni. Ya naña Ntewa la van la, naga malena naña ve uro re.

⁸ Ana la ṗasa, ape yar na veveyuena, pe amlelaga re e visena lelaga po, asike ga vatanon māreraena viowa. Ya naña yoko Ntewa la van la, naga naliṗereena naña molue e pupia kiena nasinemimienā ga. ⁹ Yoko pogos mārera amio naloge viowaena imi tol make yeririna la naña akila ke piowa, siar e la naña Ntewa pisir plan

la ñesania, nane le Yu lala, va tol yar tañena la naña pe ape le Yu re poli.

¹⁰ A la naña kiela malena po, yoko atol navisa ruruena kiena ne Ntewa, yoko kiela kia su ruru amio naga, kiena sumare sike amio la. A naga mña nene siar e le Yu lala, va tol yar la naña pe ape Yu re poli, ¹¹ komin Ntewa naga pe pisuveve re sane yar tai pe tañena poli, ana naga kila po maran taaga pan la.

¹² Le Yu la asike vatanon navisaluaena rui naña Ntewa mla pan la, ana visae akilaro navisaluaena nene, yoko Ntewa la nakoena van la. A yar la naña pe ape Yu re poli, pe atol re navisaluaena nene poli, pona pe akilia re ya naña navisaluaena nene pisa poli yo, ana visae akila viowa, yoko la akovio. Sanene, mlamulena viowa sike e ita punu ga maran taaga, ana yoko Ntewa monar lipere make ita ga.

¹³ Yar la naña amesmesu e marana Ntewa, pe la re naña akilia ga ya naña navisaluaena pisa poli, ana la naña Ntewa kekaran sape were la, naga la naña kiela malena taveve ruru ke ya naña navisaluaena pisa narui. ¹⁴ Yar lañasa pe ape le Yu re la poli, aminue navisaluaena kiena ne Ntewa, ana pe sur koren ga, kiela malena po pano-o, kiela ñelaga sa ga naña navisaluaena kiena ne Ntewa sike amio la rui.

¹⁵ La sa ga naña ya naña navisaluaena sumña pisa ke ne, sike e losinela rui. Sanene, pogos naña amloge visena kar lala apisa pan la asape ova e nene pona ova e nene, ana kiela sitomena wo sumña pisawal ruru ke pan la e ya naña po a ya naña piowa.

¹⁶ Sa naña lologena wo naña nesuñña nem-lologonia pisa, pupia legiena nañani suñña pimi ke ne, a e pogos nene, yoko Ntewa la va Yesu Kristo vena visuveve ruru sitomena kiena yar lala, vano-o tol sur naña amlawan ruru teke e losinela, a liñere sur la naña akila, vano tol nena naña asitom asape pe yar kilia re poli.

Le Yu lala amio navisaluaena kiena ne Ntewa

¹⁷ Nepisu sane popon nevis si va laa sane wa e lepas na sur la naña ita le Yu lala tesuñña tepisa. Tesuñña tepisayu ke sanape naña ita ke narui ita na tetaveve ke navisaluaena kiena ne Ntewa, tesitom ke tesape ita ke narui naña Ntewa sinenan ita pa laa sane wa, ana kila narui kieta sitomena la pa manene laa metava.

¹⁸ Tepisa ke tesape tesukul ruru po e navisaluaena kiena ne Ntewa, kila narui tesitom tesape ita ga tekilia ruru Ntewa amio kiena nasinenanena, ita ga tekilia ruru sur la naña lelaga pona naña mesmesu napo. ¹⁹ Ita tesuñña tepisa ke tesape ita le Yu ga lala topon naña tesumon la naña pe ape Yu re poli, komin naña tepisape la ape kilamara ðala naña pe akilia re mrapa poli. Tomape ita ga tepe yomerarava kien la naña asike e yemalolo, ²⁰ ita ga topon naña takawe ruru yaru naña kila pal mrapa, ita ga tetorokin naña teviaan ruru la naña asa ga sisi lala, pe akilia re sur poli.

Ana sineun nesape nevis re e lepas nene, sane pogaga naña tepisu kilale sane navisaluaena kiena ne Ntewa pulen make kiliaena wo lala a visena wo make la rui, ana piowagan ga naña

tesuñña tesape naga pe kieta ga. ²¹ A sur si tai naña piowa manenea metavan nene, toñareran vianen yar tañena lala, ana nepisu sane pe tepian ruru ita re si poli. Visae ologon naña ovisave yar ve vinau re sina, ana popon naña ko na osumña ovinau mñaga? ²² Ko naña opian ke yaru osape monar ve akila re kolau, komin ya ne ko mñena okila? A ko naña opisa ke osape nono la naña la amiyuññaenia, apiowa ga, opisa tanea, ana ko mñena ga, pona osumña opinaun ke sur la ne pe kol naña amligan sike e kiela lele wa lala, a?

²³ E lele nene monar tevisave piowa pañisi wa, komin ita la naña toñarwar ita vanon naña toñar Navisaluaena kiena ne Ntewa, ana tesuñña tekila kare ke sina kia wa kiena kieta Ntewa ne, komin naña tesuñña tekilaroro ke kiena navisaluaena la nene. ²⁴ Visena Wa pisayu ke kieta ñelaga nene rui, pisa sanini sape

“Amiu yeririna lala kiena ne Ntewa, kiamiu navisokanena kila sane yar tañena lala asuñña apisa kare ke kiena kia.”

Yaru naña pe yere Yu kemua lelaga

²⁵ Ko osape ope ñaviu rui, ana ope Yu kemua lelaga, nanene na po pañisi. Ana sur nene miila ko visae ologear ga navisaluaena kiena ne Ntewa. Ana visae okilarovia, ko ope Yu korena ga, ko opiowa pa Ntewa sa ga la naña pe ape ñaviu re poli. ²⁶ Ana pona yaru tai pe sa re le Yu la naña ape ñaviu poli yo, naga pe pe ñaviu re poli, ana visae yar nene logear ruru Navisaluaena lala, e navisuena kiena ne Ntewa

naga imi torokin ga yere Yu narui. ²⁷ Yere Yu naga pe ãaviu rui a mla ke navisaluaena, ana visae pe mlogear re poli, monar visuar ruruia, visae peraga, yoko Ntewa kovenlua naga, a were taþena naþa pe pe ãaviu re poli ana mlogear kiena navisaluaena.

²⁸ Nanene komin e navisuena kiena ne Ntewa, naga naþa pe yere Yu kemua lelaga, pe naga re ga naþa pe Yu e kulus poli. Ana ãaviu naþa Ntewa pisu sane lelaga napo, pe naþa re ga e tas nen yar vanua poli.

²⁹ Yar naþa pe yeririna kiena ne Ntewa lelaga, pe naga re ga naþa þuarar nasiriena wa e limana poli, ana naga yaru naþa Ninuna Wa miyumãae ke e losinena, naþa kiena malena pilonia pimi po. Yar na sanene, pona yeririna la asitom ke asape naga pe pe yar re tai nene poli yo, ana Ntewa kekaran naga paþisi.

3

Sur wo naþa sike e le Yu lala

¹ Nepis ke sanene, pona naviunena tai m̃alivi yo, viun sanini, visave “Visae yere Yu maran ve taaga ga amio yar taþena lala, sa naþa osumãa opisa ke ne, komin ya ne kia naþa Yu naga po, a tesitom ke tesape ita na tepe sur tai? Naþa tekila ãaviu e ita, vena teim teve le Yu kemua lelaga, ana pona pe sur koren ga yo?”

² Naviunena nene mesmes ga, ana nevisa-tam̃ea nesape, Peraga, toþar kia na Yu, naga pe pupia sur wa tai naþa po manene laa pan ita. Lus kiena yeririna ai sina naþa Ntewa mligan kiena

visena wa sike e limala? Pe yar tařena kar re la poli, ana ita le Yu ga lala. ³ Pe lelaga nařa kieta yeririna la řasa pe amlogear re visena kiena ne Ntewa nene poli, ana naviunena sike na sape: Sanape, pona yoko Ntewa ve visa ruru ita re sina sa nařa naga pisaaria sape yoko kila? Ana pe sa re nene poli. Pe sur koren ga nařa lařas pe apuarar ruru re visena kiena ne Ntewa poli, ana pe Ntewa purmatan li re kiena navisaaren e ita pogos tai poli wa. ⁴ Pona ita yeririna lala ita tepisokan lue ga, ana Ntewa naga pe lelaga lue ga, sa nařa řarin Suře Tepet pisa e kiena Tus na Yauena lala, nařa pisa sape

“Yoko avisu nařa ko ope lelaga kemua e kiořa visena lala vena liřerelaena,

a yoko sinelan liřere koena sina ga, ana ko na omesmesu ga na osike ne.” *Yauena 51:4*

⁵ Kieta napiowaena lala apioyowa ga, ana sur tai nařa po towe laa ga, napiowaena la nene akila merarava e maran yeririna lala asape navisaluaena kiena ne Ntewa la nařa apisalupar ke napiowaena la nene, apo na apo. Nepisa sanene, pona visae yoko yar lařas nařa řarila pe wowe asumalu avisave “Visae kieta napiowaena la akila sur wo nene, komin ya ne Ntewa sinena kar ita sape la si nakoena van itania?” Ana peraga, nanene sitomena kiena yaru ga, ⁶ pe sa re nena nene poli! Visae Ntewa ve liřere ita re le Yu lala, ana pe pon re naga liřere li tařena la nařa pe ape Yu re poli, ana peraga, naga mesmesu nena ga, a naga taaga torokin liřereena.

⁷ Naviunena si tai ve sa nene kilia vim, naŭa pisa sanini, sape “Nanua sumo nesape nemlelaga e Ntewa, ana siraunia pe nemlogear re poli, ana sa naŭa nesuŕna nepisokan ga. Ana kiau visokanena nene suŕna pisawal ke sape visena kiena ne Ntewa ga pe lelaga paŕisi, a sanene na suŕna kila kiena kia pa metava. Ana visae ve sanene, komin ya ne naga sinena sape liŕere in ke na wa, sape in na nepiowa ga?” ⁸ A ŕisi na yar la ŕasa avilon visena la ne sanene va ve taŕena laa na wa, avisave “Visae ŕelaga viowa visawal visave visena kiena ne Ntewa pe lelaga, popon tesuŕna tekilakila ŕna mlamulena viowa la ve moki silaga, vena kilaen visena kiena ne Ntewa ve lelaga laa sane.” Laŕas apisape nesuŕna nemlologon ke sanene, ana naga nene na visokanena ga, a la naŭa asuŕna apisa, yoko akus naliŕereena torokin kiela visen viowa la nene.

⁹ Nesape nowasuŕe in sina e sur naŭa tepisayu ke ŕa rui, tesape yar na ŕar kia na Yu, yoko ve sanapenia? Pona yar laŕasa, naviunena sike e la yo sape yoko wo vaŕisi vania taulu yar naŭa pe ŕar re kia nene poli, pona peraga? Pogaga, kiau navisataŕeena nesape ve sa re nene poli. Sa naŭa nepisa ŕa rui, le Yu amio le Kris lala, la make ga asike vatanon ŕareraena na mlamulen viowa maran taaga. ¹⁰ A sane visena na Tus Wa pisape

“Pe yar re nena tai naŭa kiena malena po poli.

¹¹ *Peraga, pe yar re nena tai naŭa pisu kilale mrapa poli,*

*pe yar re nena tai naña suña kilali ke sape lual
Ntewa e kiena malena poli.*

*12 Yeririna make ga apilipal ga mrapa naña
mesmesu, apa apiowa manene laa.*

*Pe tai re nena naña miyuñaen po poli. Yauena
14:1-3*

*13 Kiela visena piowa ga, sa ga yar mare naña
kona rui,
purmenela suña miyuñaen ke ga visokanena,
navisa kareena la naña suña mālivi ke e kulugola
lala, sa naña lomara viowa karm̃ar yaru.
Yauena 5:9*

*14 Lelaga pa, gola lala pulen ga viaiena amio visen
melkalka lala. Yauena 10:7*

*15 Lala lala suña pa la akirkirir kar ga la ne vena
kilaen kuruta lau,*

*16 kiela yalorena lala apa akila kare make suria,
akila yaru la amloge piowa.*

*17 Pe asitom re asape mrapa na suñare tai sike
poli, Ais 59:7,8*

*18 pe apisu kilale re nena asape Ntewa suña pisu
la ke poli.” Yauena 36:1*

*19 Ee, visen la nene amolue kome Navisaluaena
kiena ne Ntewa, a tekilia tevisave ya naña Nav-
isaluaena kiena ne Ntewa pisa ke ne, kiar ita ga le
Yu lala. Ita tesike vatanon Navisaluaena nene, a
yar naña pisu kilale ya naña navisaluaena nene
pisa, naga pe kiena visena na visaen re si po,
naga kilia sape yomarava wetelu kilarovia, yar
make ga akus nakoena vanonia. 20 Pe yar re
tai naña logear Navisaluaena kiena ne Ntewa
torokin vena naga kilia mesmesu e marana, ana*

Navisaluaena nene kila sane yar make ga akilia ruruia asape mlamulena viowa sike e la.

²¹ Ve sa nene, mrapa na logearen visaluaena, yar la tañatete atayu nena aimi amesmesu e marana Ntewa, a nane kila sane Ntewa pisu popon kila ruru mrapa viu tañena tai naña tekilia tetavevea.

Mrapa viu nena naga po pañisi, komin pe kana navisaluaen re la naña yar monar logear la poli. Mrapa nena, nasiriena marua wa lala amio visena kiena ne navisawalena lala, apisawal ña ve torokak nanua sumo rui, ana nagane Ntewa kilologia pan ita rui.

²² A mrapa nena naga sanini: pe mrapa nalelagaena. Sanene, yar ai naña viawa e Yesu Kristo, yoko Ntewa kila naga imi wo e marana. Mrapa nena pe kiena yar re ga lañas poli, ana pe kien yaru make ga, ²³ komin yar make ga amlamla piowa, pe ta re poli naña kiena malena mesmesu va torokin naña tol malena wo naña Ntewa sinenania.

²⁴ Ana pogaga, komin Yesu Kristo pul lua ita rui, kila naña Ntewa kila ita tepim temesmesu e marana, sane kiena nalaena tai pan ita, naña mlavia pimi ga kome kiena lemamienda. ²⁵ Naga pul plan ita komin naña Ntewa pisirlua naga sane kuñañaena tai naña kana kuruta mlau kee plan kieta mlamulen viowa ita la naña temlelaga ea.

Ana sanapen yeririna la naña siar e kas la nakonua rui pimi, pogos naña Yesu pe pimi re poli wa? Pe tepisu re naña Ntewa mla

nakoarena pan la vanon amlamla piowa poli, pona sitomena tai sape pona Ntewa mla ga nakoarena pan mlamulen viowa kien yar laṣas yo, ana yar laṣasa pe mla re nakoarena pan kiela mlamulena viowa la poli. Ana peraga, naga pe sa re nene poli. Nakonua manenea, Ntewa kila ke ga kiena sitomena piavi, sumā piro ke ga kiena sinekar, a kila mā sanene pano-o tol pogos naṣa Yesu maren māna mlamulena viowa kien la na sumo. ²⁶ Sanene Ntewa pisawal meraravan pan ita nagane narui sape naga miyumaē po silaga, kila sane yar ai naṣa viawa ga e Yesu, yoko ekik ruru nena e marana.

²⁷ Visae sanene, yoko tekilia towarwar ita komin si ya ne? Pe sur re si ta poli, komin ya ne kila ita si tepim topo temio Ntewa? Pe ṣelaga wo re na tai nalogearen kiena navisaluaena poli naṣa tesitom ke tesape tekila yo, ana peraga, kana purṣesa, kieta lelagaena ga e Yesu.

²⁸ Kiamimi lologena pisa sanene narui, sape visae yar imi mesmesu e marana Ntewa, naga wasine ga kiena naviawaena e Yesu. Taṣatete wasine kiena yumaena wo la naṣa naga mlogear ruru navisaluaena make ga kiena le Yu silaga, komin naṣa taṣatete yaru tai kila ve sanene.

²⁹ Sanene, tepisu sa naṣa Ntewa pe pe Ntewa kiena ne re ga ita le Yu la poli, ana pe Ntewa kiena ne māna li taṣena lala. ³⁰ Ee, Ntewa naga taaga ga, ana pe kien yar make ga, ana visae yere Yu, naga kilia imi mesmesu e marana Ntewa visae viawa ga e naga, pona visae yar naṣa pe

pe Yu re poli, naga m̃ena ga kilia imi mesmesu e marana Ntewa visae viawa ga ea.

³¹ Ana visena la nene pe pisa re sape p̃elaga na lelagaena kiena Yesu kovenlua navisaluaena kiena ne Ntewa naña sike ne poli, sape pe kiena yuññaena na kilaen re si poli. Pe sa re nene poli, ana kana kinasa sane pogos naña tesuñña temlelaga ke e Yesu, tesuñña tepatanon ruru ke e sur la naña navisaluaena pisa, tekila ke naña ape lelaga.

4

Epraam tepo yom̃arua na vianen mrapa na viawaena van ita

¹ Tesuñña tepisayu ke sane p̃elaga na lelagaen e Kristo naga pe mrapa na tolen natamali-aena, ana sanapen kata apua la nanua sumo, sane pupia apua na kieta lus naña yermarua Epraam? ² Naga kila yuññaena la moki naña Ntewa kekarania, ana yuññaena la nene tařatete kila naga mesmesu e marana Ntewa. Visae naga imi mesmes komin kiena yuññaena lala, pona naga kilia warwar si e yo, ana pe sa re nene poli. Pe yar re tai naña kilia warwar e marana Ntewa vanon yuññaena la naña naga kila, ³ ana naviawaena ga kilia kila yaru mesmesu amio Ntewa, sa naña suniena kiena Epraam pisayu e Tusi na Siiena, naña sape

“Epraam naga piawa m̃arera pařisi e navisaarena kiena ne Ntewa,

ana Ntewa kekarania, mla viawaena nene kiena Epraam, kila narui pimi mesmesu e marana.” *Nas 15:6*

⁴ Ositomlia, sane yar naña miyuñaen kilavaru, pogos naña kupario p̄isi monar waria ve kiena. Ana ve tevisa re tevisave kilavaru nene naga pe nalaena tai naña kiena yerkawa mla pania molue kome kiena sitomena, ana kilavaru nene, yar na yuñaena nene, p̄iyon pāisi naña, ana popon kemua naga waria ve kiena.

⁵ Ana lepas naña yaru imi mesmesu e marana Ntewa, naga pe pe sur re tai naña teyuñaen vanon poli, naña tekilia towaria sane sur tai naña ita ga tetauluia ve kieta. Ita, kieta yuñaena la pioyowa ga, ana monar towasine ga Ntewa, naña naga ga kilia war plan napiowaena e kieta malena. Visae towasine ga naga, ana yoko kila ita temesmesu e marana.

⁶ Yermarua Parin Supe Tepet kilia sur nene nanua rui, ana kiena yauena tai pisayu sanapen naña yoko wo vāisi van yar naña pe p̄asine re ke sina ga kiena yuñaena poli, ana p̄asine ga Ntewa sape yoko naga kekara naña kila naga mesmesu e marana. Yauena nena pisa sanini, sape

⁷ *“Yar naña Ntewa piwo kiena napiowaena lala, naña yumu plan kiena mlamulen viowa, na nene navisa ruruena tai naña yoko wo van vāisi.*

⁸ *Yar naña Ntewa pisu naga sane pe namname tai to re si e poli, naña monar war nakoena-
nia,
naga yoko kilia loge wo na loge wo.”* *Yauena 32:1,2*

⁹ Ana la naña akilia aloge wo sa naña yauena nene pisape, a la nene? Navisa ruruena nene, yoko tařatete imi ga va řaviu lala, sa naña ita le Yu ga lala, ana yoko imi mēna va la naña pe ape řaviu re poli, na nene naga merarava ruru po pařisi, komin sa naña tepisape, Epraam pimi mesmesu e marana Ntewa, pe komin re naña naga pe řaviu poli, ana pimi mesmesu e marana Ntewa komin ga naña mlelaga mārera ea.

¹⁰ Ana tekilia sur nene sanape? A Ntewa sape Epraam mesmesu e marana na pogwai? Naga pisa e pogos naña Epraam pe řaviu pa rui, pona pisa e pogos naña pe pe řaviu re poli wa? Visae teva si e kiena suniena, yoko tevisu naña Ntewa pisape Epraam mesmesu e marana pogos naña naga pe pe řaviu re poli wa.

¹¹ Sanene, viawaena kiena Epraam e Ntewa, naga ga nene kila naga mesmesu e marana. E poglis nene naga pe řaviu re poli wa, ana siraunia, Ntewa mla řaviu pania sane kile tai naña pisawal sape viawaena ga e Ntewa nane mrapa naña yar imi mesmesu amio naga.

Epraam naga pe yar řesa naña sanene, ana yar moki apim sirau naña pe ape řaviu re poli, ana amlelaga e Ntewa ana Ntewa pisu sane amesmesu e marana. La pe amolue re e lus kiena Epraam naapo poli, ana nagane apisu naga sane pe kala apua marua mēna tai, ¹² maran taaga sa ke naña naga pe apua kan la naña ape řaviu.

Ana nanua sumo, ita le Yu lala tesitom tesape yar naña pe řaviu sane yermarua Epraam, lelaga kemua naña naga ke narui naga molue kome

kiena lusa. Ana nagane, sitomena tai m̃alivi nãpa pisape yaru nãpa kilia visa visave Epraam naga pe kana apua marua kemua lelaga, nanene pe yaru nãpa mlelaga e Ntewa sa ke nãpa Epraam mlelaga ea, pogos nãpa pe pe p̃aviu re poli wa.

Naviawaena kiena yaru kila navisaarena kiena ne Ntewa imi ve lelaga

¹³ Nakonua konua rui Ntewa pisaar pa Epraam sape yoko kiena navisa ruruena lala amolue akome Epraam amio kiena lusia avava vanua va va yeririna make ga na yomarava. Ana komin ya ne Ntewa kekaran sape kila kiena navisaarena nene va Epraam? Pe vanon re ga nãpa Epraam mlogear ruru kiena navisaluaena poli, komin pogos nãpa Ntewa kila navisaarena nene, pe navisaluaena re poli wa, pogos kiena ne Ntewa na laen navisaluaena va Mosis sike koperina wa. Sanene, tekilia tevisave naviawaena kiena Epraam ga kila naga mesmesu e marana Ntewa, nane Ntewa kekaran nãpa la navisaarena wo nene vania. ¹⁴ Visae navisaarena nene pe kiena yar ga la nãpa asm̃al amlogear ke navisaluaena, yoko kila sane yar nãpa mlelaga, mlelaga korena ga ne, a kila sane navisaarena kiena ne Ntewa pe suñal re si poli. ¹⁵ Suri tãpena ke sina ga nini, nãpa kila meraravan pan ita sape navisaarena wo kiena ne Ntewa lala tãpatete ãmalivi e p̃elaga nalogearen navisaluaena. Naga nene komin pogos nãpa navisaluaena sike na, ana p̃elaga na kilaroen navisaluaena monar m̃alivi, ana siraunia monar kana nakoena nena, komin

naña pe yaru tai tokon re kilaroen navisaluaena pogos tai poli.

¹⁶ Ve sanene, navisaluaena tañatete kilia iila ita vena tekila ruru kieta napiowaena e marana Ntewa, ana Ntewa pe lemam manene laa pan ita, ana naga ga kila. Naga pisu naña toñasine ga naga, tevisu ga naga, ana naga kila tetol kiena navisaarena wo lala. Nanene na pe le Yu re ga la naña navisaluaena pitomi ñesan pan la poli, ana yeririna tañena mñena la asikola amio la. Yer pe lala, ana visae akus ñelaga na lelagaena e Ntewa maran ve taaga sa ke naña Epraam mlelaga ea, naga sane la mñena amolue e kiena lusa. A ita make mñena ga e ñegas nen nalelagaena teliv piora e yomarava, tepisu sane naga pe pupia kata apua.

¹⁷ A nanene mesmesun ga naña Ntewa pisaar pa Epraam nanua rui, naña pisa pania sape
“In na nepisirlua ko, ko ope purñes nen lus nen yeririna lala na purvanua moki.” *Nas 17:5*

Pogos naña Ntewa pisaar sanene pa Epraam, Epraam pe sinen kurkur re poli, ana ñuarar ruruia, komin naña naga kilia sape Ntewa nena naña naga pisa visena nene pania, naga pe Ntewa naña kilia kila ya naña mare imi mali, kilia kila sur naña pe su re poli wa vim mñalivi.

¹⁸ Pe lelaga, Ntewa pisa sur ta pania mñarera pañisi naña naga lelaga ea, komin naña pisaar pania, sape
“Kioña lus lala yoko aim ave moki na ave moki vañisi e yomarava nini.” *Nas 15:5*

Ana pogos naña Epraam mloge, mlelaga ea sape monar ve sa ga nene narui. ¹⁹ E pogos nene, naga kilia sape naga amio wona Sera, kiela mrae lalua lavis vito tano narui, naña kiena kasa lavis tol ponotia ve taaga [100], a wona pe þarli re sisi poli wa, ana kiena naviawaena pe mlor re nenaga. ²⁰ Naga pe sitom re nena suri ta poli, ana kiena sitomena sike ga e ya naña Ntewa pisaaria. Kiena naviawaena sumña pimi mñarera laa narui, a silaga sumña mieluar ke Ntewa a pisa lue ga potena keviu pania vanon ya naña yoko kila. ²¹ Naga pe sitomli re pogos ta poli sape Ntewa naga pe torokin re naña yuñae taveve ruru kiena navisaarena poli, ²² a kiena þelaga na viawaena nene narui kila Visena Wa pisayu si naga, sape Epraam þasine ga Ntewa, ana Ntewa pisawal sape naga mesmes ruru e marana.

²³ Ana visena nene pisayu ga Epraam naga taaga, ²⁴⁻²⁵ ana popon tela sane visena tai naña pisayu ita make ga, komin ita mña ga temlelaga e Ntewa tesape yoko naga kila ita teim temesmesu e marana sa naña naga kila pa Epraam. Temlelaga sane naga ke narui naña mligan Yesu pitomin vena tol marena vanon kieta mlamulen viowa lala, a temlelaga tesape Ntewa þere lua ke sina ga Yesu petan marena vena kila merarava ruru van ita sa naña tekila si mara wo temio naga rui.

5

Tepe mara wo si temio Ntewa rui, tepisu sumñare a lemamienna

¹ Pogaga, nagane merarava ruru po pan ita sane sur naña kila ita tepe mara wo sina temio Ntewa, naga kieta naviawaena e ya naña Yesu kila vena tamalia itaena. A pogos naña tepisu kilale tesape tepe mara wo temio Ntewa sanene, kila naña tepisu sumãare sike likan ita temio naga, ² a kila naña tesu ruru ga tesike e kiena lemamiãna silaga. Visae ve sanene, kieta sitomena m̃areran sape siraunia, yoko ita monar teva loyumuã e naurarena kiena ne Ntewa, temio kekarena keviu.

³ A pe tekekarãan re ga malena wo naña yoko imi sirau poli, a tekekarãan m̃ena pog m̃arera la naña tesumuã tepisu ke nagane. Pona temloge piowagan yo, ana teloge won ga komin naña tekilia tesape naloge viowaena kilia kila sitomena ve piavi vañisi, ⁴ a sitomena piavi kila ðelaga wo va laa e marana Ntewa, a ðelaga wo nene kila nawasineen Ntewa va laa na wa, ⁵ a nawasineen Ntewa kila tañatete kieta sitomena lorun sur tai pog tai. Nanene komin naña Ninuna Wa naña naga mla pan ita, silaga sumã kokonia ruru ke sinesiena kiena ne Ntewa va loyumuã e ita vano vano-o toulen ruru nenaga.

⁶ Tekilia tesape Ntewa sinen si manene ita sanene komin naña sumo, temloru e ðiliñili ta rui naña tañatete si tekila sur tai vena tamalia ita, ana e nena e kana pogos naña pisaar pa rui, naga pitetalia Yesu pimin marewo ita yeririna viowa lala.

⁷ Ita na, pe tepisu manene li re naña yar tai kilia tamãan kiena malena vena tamalia yar tañena poli, pona yam peve taaga yar tai kilia

tamñan kiena malena vena tamalia yar tai naña asitom asape naga po pañisi, ana sur ne nanene narui Kristo kila pan ita make ga naña ita li viowa lala. ⁸ Nasinesiena kiena ne Ntewa keviu sa ke nene narui, komin pogos naña ita yar na kilaen mlamulena viowa tekila ke ãarnãrera wa, Kristo pitomin mare wo itania. ⁹ Kana kuruta mlau kevan ita temekiki rui, ana tepim temesmesu e marana Ntewa, a kila naña pe sur re si tai sike e ita poli naña yoko naga la nakoena van itania. ¹⁰ Nanua, pogos naña tepe nasinekar kiena ne Ntewa ke lala wa, marena kiena narina kila mara wo temio, a nagane, komin naña tepe erau wo temio rui, yoko malena kiena narina kila ita mñena ga temal lue temio. ¹¹ Sanene, tekekaran pañisi naña Ntewa pisirlua kieta Suþe Yesu Kristo, komin naña naga kila kieta mrapa na mara wo temio, tesu si veraga temio naga.

Atam kila marena pimi, Kristo mla malena

¹² A sur lua nene marena amio malena, lalua apim e yomarava nini sanape? Yar þes na yomarava nini nane Atam, a naga pe purþes nen mlamulen viowa, a kila naña nakoena na mlamulen viowa, sane marena, monar imi mñaliv e yomarava. A yeririna la naña asiraunia, la mñena ga atol mlamulen viowa, ana marena tol la make mñena ga.

¹³ Sumon pogos kiena Mosis, Ntewa pe mla re navisaluaena poli wa, ana pe sur koren ga naña pe navisaluaena re poli wa, þelaga na mlamulena viowa sike pa rui. Sanene, Ntewa

pe mliþerela re e pogos nene poli sape akilaro ke kiena navisaluaena, komin naþa pogos nene, navisaluaena naga pere wa, ana kiela mlamulena viowa la narui kila sane la monar akus nakoena na marena na wa. ¹⁴ Tekilia tesape sanene, komin siar e pogos kiena Atam, pimi tol pogos kiena Mosis, pe navisaluaen re poli, ana yar la asumã amarmare m̃aga, komin nakoena na mlamulen viowa sike e yomarava rui. Pona laþas akila piowa sane Atam kila yo, pona akila m̃ena sur taþena lala, ana e navisuena kiena ne Ntewa, kiela napiowaena make la nene ape mlamulena piowa torok ga.

Sanene, tepisu ya naþa yar taaga ga nene naþa Atam kila, tol make malena kien yeririna na yomarava, sa ke ga naþa ya ne Kristo naga taaga kila sirau, naga m̃ena ga tol make kieta malena ita punu ga naþa temlelaga.

¹⁵ A yumãena wo naþa Ntewa kila naþa molue kome kiena lemamiena, naga po paþisi, kilia taulu yumãena viowa naþa Atam kila naþa molue kome kiena mlamulen viowa. Mlamulen kiena Atam naga taaga kila yar la monar amare, ana nawoena kiena Yesu Kristo naga taaga kila tepim temesmesu e marana Ntewa. Sur nene sane nalaena wo tai naþa toþar korenan ga sa ga ne. ¹⁶ Mlamulen kiena Atam pe kila re nena sur wo tai, ana nalaena nene po pan ita paþisi. Ntewa mliþere mlamulen kien yar taaga nene, pisape yoko pupia kiena nakoena va e yar make ga, ana siraunia, Ntewa pisu nalaena naþa Yesu mla pan ita, naþa pul plan kieta mlamulen piowa lala, ana sape temesmesu ruru e marana rui.

¹⁷ Lelaga kemua naña mlamulen kiena yar taaga ga, naña Atam, kila sane marena sumña taulu ita, naña kilia war plan make malena kien yar lala. Ana yoko, lemamienna kiena si yar tañena, naña Yesu Kristo, mla nalaena wo nene pan ita nanagane, kila sane temesmesu e marana Ntewa, tetaulu marena rui, ana siraunia yoko tetol malena wo temio naga. ¹⁸ Sanene, kana kinas sane mlamulen viowa nene kiena Atam naga taaga ñere yeririna make ga apa e nakoena, ana siraunia yumñaena wo mesmesu taaga ga nene kiena Yesu, kilia kila plan la make ga e nakoena nene, ana mligan la ase malena naña ve uro re. ¹⁹ Ana sa ke sina nene, yar taaga pe ñarmarera, pe miyagogon re Ntewa poli, ana kila yar make ga ape yar na kilaen mlamulena viowa, ana siraunia, yar tañena mlogear ya naña Ntewa pisa pania, ana mare e lak torovia kila narui ita moki naña tepim temesmesu e marana Ntewa.

²⁰ Nanua, Ntewa mla navisaluaena pa Mosis, a navisaluaena nena sumña kilologia ke yeririna lala sape kiela mlamulen viowa la pule pañisi. Ana pogos naña mlamulena viowa la sumña pimi pe moki manene lue ga, Ntewa mña ga pa laa sane, kila sane kiena lemamienna pimi keviu manene laa. ²¹ Nanua sumo, mlamulen viowa ñar marena pimi, a marena nena sumña kila mlamulen viowa tolue ga metava silaga. Ana siraunia, Ntewa kila kieta mrapa vena teim temesmesu e marana, ana nane kila sane nagane kiena lemamienna taulu make suria, komin naña sumña kila ita make ga naña temlelaga e kieta

Suŕe Yesu Kristo, yoko tetol malena naŕa ve uro re.

6

Popon toŕisin mlamulen viowa, temal temio Kristo

¹ Sa naŕa nepisa ga na wa, ita tepe yar na kilaen mlamulen viowa lala, ana Ntewa pe lemam pan ita piewo ita, ana vanon sur nene, popon kieta malena nanagane ve sanape? Pona yaru laŕas apisape popon tesuŕa tekilakila mlamulen viowa ve moki yo, vena kila sane lemamiena kiena ne Ntewa ŕena ga suŕa imi manene laa, sa naŕa naga suŕa pieviewo ke kieta mlamulen viowa la nene? ² Ana peraga, taŕatete nena ve sanene! Tekilia tevisave e lepas na sinenanen viowa na kilaen mlamulena viowa, ita sa ga yar mare lala, monar toŕisin nena ga, ve tekila re sina.

³ Ositomli pogos naŕa akee ita vena teve taaga temio Kristo Yesu. E poglis nene, ya naŕa ŕalivin ita naga torokin ke ya naŕa ŕalivin naga nanua rui. Sane nanua sumo naga mare wo kieta mlamulen viowa, ana nagane, pogos naŕa akee ita, kieta malena marua na mlamulena viowa ŕena lala monar mare. ⁴ Sumo, amligan tasnena ŕene lele na marena, ana nagane, pogos naŕa akee ita, monar teligan kieta ŕelaga na mlamulena, toŕisin ruru nena ga. A nanua ŕena sumo, Ntewa kila yuŕaena na iilanena nene, naŕa kila Kristo suŕalu mal sina, a nanagane,

pogos naña akee ita, tesuñal sina temialoro e malena viu tai.

⁵ Sanene, tepe taaga temio Kristo rui komin naga mligan kiena malena mare e yomarava nini, ana ita mña ga monar teligan kieta malena marua. Ana tekiliar ruru sane yoko teve taaga si temio ke na wa, komin naña naga ñar si kiena malena viu tai, a yoko ita mña ga towar kieta malena viu.

⁶ A monar tesitoñal silaga, sane ñelaga na kilaen mlamulen viowa naña tepaeme temio, naga sa naña asuar sike e lak torovia amio Kristo. Sanene, kila naña ve tekila re si mlamulena viowa la naña tasneta la sinelan kilaena, a mlamulena viowa tañatete kilia ve suñen kieta malena sape tepe kiena yar nayuñena ga. ⁷ Popon toñisin mlamulen piowa, nagane ñareraena na sinenanen kilaena mlamulena viowa monar ñisin ita, komin ita na sane yar mare naña sitomena viowa na mlamulen viowa tañatete kila sur tai van ita. ⁸ Lelaga kemua, nanua sumo, sa naña temare temio Kristo rui, ana nagane, kieta lelagaena ñarera sape yoko temal lue temio naga narui.

⁹ Tekilia tesape Ntewa kila Kristo mal si petan marena, kila sane yoko Kristo mal mña vano-yoko tañatete si mare pog tai, nañareraena na marena tañatete si kilia tol naga pogos tai.

¹⁰ Kiena marena nanua ne, naga pe marena tai na war plan makeen nakoena na mlamulen viowa, a kiena malena nagane, naga pe malena tai na visirluaen kia kiena ne Ntewa, ¹¹ a yoko monar ve sa ga nene van ita. Monar tesitoñalia

tevisave ita m̃ena ga popon toṓisin ruru ṓelaga na mlamulen piowa, a silaga monar tevisirlua kia kiena ne Ntewa e malena viu naṓa tesike ea temio Kristo Yesu.

¹² Sanene, kiau visena urmi e lele nene sanini, sane ve ataṓan re kiamiu sitomena la nakilaen mlamulena viowa imi ve sa naṓa naṓareraena ṓarera tai naṓa suṓa ve suṓen amiu. Visae peraga, tasnemiua lala, naṓa ape na yomarava ga nini, yoko asum̃a alogear ga nasinenanena viowa la na ṓelaga naṓa ita yeririna la tepaeme temio. ¹³ Ana sanene pe po re poli, komin lepas nen tasneta lala, pe pon re aim sane sur na yuṓaena naṓa napiowaena miyuṓae amio vena kilaen kiena ṓelaga viowa ne lala. Sumo, ita sane yar mare lala, naṓa malena na Ninuna pe su re nena e ita, ana nagane Ntewa kila ita si temali, ana monar teyawawo kieta malena viu nene va si vania vena naga lavia vena kilaen kiena yuṓaena. Sanene, yoko lepas nen tasneta lala apim sane sur na yuṓaena naṓa Ntewa miyuṓae amio, vena kilaen kiena ṓelaga mesmesu lala.

¹⁴ Sumo, tesike vatanon navisaluaena naṓa Ntewa mla pa Mosis, amio kana nakoena nena lala, ana ita toṓion logearen pano-o, ana peraga, pe tetorokin re natolen kana natamaliaena poli. Sanene, Ntewa sinen miye ita a nagane suṓa miila ita vena nasinenanena na kilaen mlamulen viowa taṓatete nena uarar ita.

Mlamulen viowa taṓatete si uarar ita, ana ita yar na yuṓaena na ṓelaga wo

¹⁵ Nepisa ke ga yam tai ƣisi ne nesape pe tesu re si vatanon navisaluaena naƣa Ntewa mla pa Mosis poli, ana nemarau nesape pona yar laƣasa amla kiau visena nene pa piowa yo. Pona asitom asape, “Ke, Pol pisape ita na pe tesu re vatanon navisaluaena poli, a nagane ita tekilia tekila ya naƣa piowa naƣa sinetania, tekila naga pogaga, ana yoko Ntewa sinen ye ita, viewo ita.” Ana peraga, pe nepisa re nena poli ƣisa. ¹⁶ Monar asitomāl sane pogos naƣa yar tai sike vatanon suƣe tai, monar logear suƣe nena a monar imi sa naƣa yar na yuƣae kienaena tai. A ve sa ƣena nene e kietā malena. Visae nasinenanena viowa suƣa ve suƣen kioƣa malena, yoko monar okila mlamulena viowa la naƣa naga sinenan sape okila. Ana visae kioƣa suƣe naga Ntewa, yoko osuƣa okila kiena yuƣaena wo lala. Mrapa lua nene, tai yoko kila ko omio Ntewa amlua aviaƣa lue, ana taƣena yoko kila ko omesmesu omio naga.

¹⁷ Nanua sumo, amiu ƣena yar na yuƣaena vatanon ƣareraena na kiamiu nasinenanena viowa ga lala, ana potena paƣisi pa Ntewa naƣa nepian amiu, ana amligan ruru sike e losinemi lala, ataveve ruru e kiamiu malena lala. ¹⁸ Sanene, amiu amolue vetan suƣe viowa nene nanua sumo, pe ape kiena yar na yuƣaena re si la poli, ana nagane ape yar na yuƣaena kiena ne Ntewa, naƣa amiu asuƣa akila ke sur mesmes lala sa naƣa naga sinenania. ¹⁹ Nekilia nesape navianena la nene ƣarera li ƣaga komin sitomena kiena yar naga pe sa re sitomena kiena ne Ntewa poli, nane kila nemiila amiu ke ne,

nepis kome ðakaiwa naþa pisayu ga yeririna lala na yomarava nini, sane suþe lala amio kiela yaru na yumãena lala.

Ana monar avisu kilale ruru kinas nen visena la nene, sane nanua, sitomena na kilaen sur viowa, naga keviu manene laa e amiu, naþa sumã m̃areran ke yepemiu lala vena kilaen mlamulena viowa naþa apiowa na apiowa, ana nagane pe sa re si nene poli. Nagane, sitomena na kilaen þelaga wo monar ve keviu e amiu, naþa kila sane kiamiu malena imi ve wa naþa ve wa.

²⁰ Pogos naþa sane ape yar na yumãen ga na mlamulen viowa, m̃areraena na sitomena na kilaen þelaga wo taþatete yumãe e amiu, ²¹ ana akila ke ga yumãena viowa lala. Ana sur la nene, pe amiila re nena kiamiu malena poli, ana amligan amiu nena e mrapa na marena, a nagane, visae asumã asitomãl la sina, yoko amawan vaþisi ya naþa akila. ²² Ana nagane, Ntewa þerelua amiu petan þelaga na sinenanen kilaen mlamulena viowa la nene, amiu apim sane ape yar na kilaen kiena yumãena, kila naþa po manenea e kiamiu malena naþa apim ape wa ruruia, a nagane asike e mrapa na malena naþa ve uro re.

²³ Wulena naþa mlamulena viowa kila yar waria, nane marena naþa ve uro re, ana kieta Suþe Yesu Kristo kila naþa towar malena naþa ve uro re, naþa pe topul re poli, ana pe nalaena tai naþa Ntewa mla korenan ga pimi pan ita.

*Ita li nalelagaena lala pe tesu re vatanon
Navisaluaena poli*

¹ Erau lala, nekilia naña amiu akilia ruru navisaluaena lala na kiamiu purvanua, ana yoko nevisayu sur tai e lepas na visaluaena la nene naña kilia iila kieta sitomena e lepas navisaluaena kiena ne Ntewa naña tesumã tepisayu ke ne.

Sur nene sanini, sape e navisaluaena, pogos naña temal ke ga wa, monar telogearia, ana visae temare, pe tesu re si vatanon po laa rui. ² Ositomyuli ðelaga kiena yaru naña ðere sira, lalua atalopa. Visae sira tai, pogos naña wona mal ke ga wa, navisaluaena m̃areran sape sira nene monar su ruru lue ga amio wona na yerm̃ene nene. Ana visae yar nene kovio, navisaluaena pe pisa re si sur tai e lepas na sira nene poli, sape naga monar sumã ve wona yar ke nene na wa. ³ Ve sanene, visae sira nene, wona mal ke ga wa ana naga va vinaun yar taþena, yoko navisaluaena visave naga taþa ke kolau. Ana visae wona na yerm̃ene mare tania, navisaluaena taþatete si visa sur tai ea. Naga kilia va talopa si amio yar taþena woga, naga pe pe kolau re nene poli.

⁴ Pogaga, erau lala, sitomena nene naga sa ga nono ga na kilologia itaena temio navisaluaena naña Ntewa mla pa Mosis. Nanua sumo, yar la asike vatanon navisaluaena nene, naña monar alogearia vena atol natamaliaena, ana nagane, ita li nalelagaena lala temare petan navisaluaena nene. Nagane pe tesu re si vatanon navisaluaena poli, ana tekilia teva tesu vatanon yar taþena,

nane Kristo naña mare wo ita. Ntewa kilamalia sina, ana kila sane ita korowas nena lala yoko towar mras wo lala naña naga sinenania.

⁵ Nanua sumo pogos naña tesike vatanon m̄areraena na ðelaga viowa naña tepaeme temio, kieta nasinenanena viowa lala amiyum̄ae e tasneta, akila tekila manene laa mlamulena viowa lala. Ana pogos naña tekilia tesape navisaluaena kiena ne Ntewa sum̄a naña pisaluþar ke mlamulen viowa la nene, pisape ve okila re nene, ve okila re nene, ana sur nene kila kieta nasinenanena piowa lala pa laa metava narui. Sanene navisaluaena na kilawoen ðelaga viowa nene sum̄a kila ke sane tepim tepiowa manene laa narui, a mligan ita nena ga e mrapa na marena. ⁶ Navisaluaena nene þuarar ita m̄arera sanene, kila tepim tepe yar na yum̄ae korenaen kiena navisaluaena marua la naña asiripolo la asike rui. Ana nagane toþisin ruru nenaga mrapa nene, tomolue tokom ea ana tepim tepe yar na yum̄ae korenaena e mrapa viu wo nene kiena ne Ninuna Wa.

⁷ Ana kam na asitom ya ne e kiau visena la nene, naña nesape navisaluaena kiena Mosis sum̄a kila ke kieta nasinenanen viowa pa laa metava narui? Pona kam na asitom ke asape sanene na nesum̄a nepisa ke nesape navisaluaena kiena ne Ntewa piowa ga?

Ana peraga, kiau navisaena pe naga re nene poli, komin navisaluaena naga kiena yum̄aena wo tom̄a ga. Visae ve navisaluaena re, yoko taþatete tekilia naña nakilaroen navisaluaena naga sanape. Sane navisaluaena pisaar m̄arera

sape “Ve ovinaia re sur ken yar tañena,” ana visae navisaluaena ve visa re, yoko tañatete tekilia tevisave navinayaena naga ya ne, pona navinayaena naga kana ðelaga sanape. ⁸ Ana lelaga, pogos naña navisaluaena kilaro navinayaena nene, nagane narui sitomena na kilaroen navisaluaena sumalu ñal kiena narin pulmas tai, kila navinayaena lala pimi moki loyuma e ita. Ve sanene, navisaluaena kiena yumaena toña ga, komin visae ve navisaluaena re, yoko tañatete tevisu kilale ðelaga viowa nakilaen mlamulena naña tepaeme temio.

⁹ Sane nanua sumo, nemninue navisaluaena, a pe nesitomñal re poli, nesuma ga sanene. Ana siraunia, nepisu kilia naña navisaluaena pisape, Ve ovinaia re sur ken yaru tañena, ana nagane nepisu kilia narui nesape nesuma nekilaro ke navisaluaena, ¹⁰ a nekilia sane monar nokus nakoena vanonia, nemare.

Sanene ðelaga na logearen navisaluaena pe pe mrapa na tolen re si malena poli, ana navisaluaena naga pimi sane pe kieta mrapa na marena rui. ¹¹ Nanua sumo, toñape navisaluaena naga pe mrapa na malena, ana nanene naga kieta nasinenanena viowa na kilaen mlamulena ga naña kilali ita, kila tesitom sanene. Ana pe sa re nene poli, komin naña tekilaro navisaluaena nene, ana mligan ita e mrapa na marena rui. ¹² Naga ke narui yumaena naña navisaluaena suma kila, ana pe nepisa re nesape piowa poli, komin navisaluaena naga pe wa na pe wa, a kana visena lala apo a amesmes ruru nenaga.

13 Ana pona laḗasa aviun naviunena yo, avisave visae lelaga naḗa navisaluaena naga pe sur wo tai, ana sanape naḗa kila ke yar la monar awar nakoena na marena? Ana peraga, pe nepisa re nesape navisaluaena nene monar kilam̄ar ita poli, ana kieta nasinenanena viowa nakilaroen navisaluaena la nene, naga ga kila. Visena na visaluaena la apogaga, ana pogos naḗa nekila mlamulen viowa, in ga nemligan inu e mrapa na marena. Visae ve navisaluaena re nene, taḗatete tekilia tevisave mlamulen viowa naga ya ne, a yoko teninue tevisave ya ne po a ya ne piowa. Ana pogos naḗa navisaluaena suñalu suñã ga, kila meraravan ruru pan ita sape ḗelaga na kilaen mlamulen viowa naḗa sike e ita, piowa na piowa.

Suri lua apilup loyũã e sitomena kiena yaru

14 Sa naḗa nepisa, navisaluaena kiena Mosis na pe wa paḗisi, molue kome Ninuna ne Ntewa pimi, ana in na nepisu sane kiau ḗelaga pe pe wa re nenaga, in na nesuñã nemiyuñãe taveve ga kiau nasinenanena viowa lala. 15 Sur viowa la naḗa nesuñã nekila ke ne, pe nekilia ruru re poli aña nekila sanape, pona aña nekila vanon ya, komin sur wo naḗa sineun nesape nekila, ana pe nekila re poli, ana sur viowa naḗa pe sineun re kilaen poli, naga ke nane nekila ke narui.

16 Nanene narui, nesape navisaluaena kiena ne Ntewa po paḗisi, komin naḗa monar navisaluaena suñã ga vena visaluḗaren kiau napiowaena la nene, naḗa sa naḗa nepisa ke nene,

yepmavin kilaena, ana nesuñña nekila mña. ¹⁷ Sanene, pe in re naña nesitom kilaen napiowaena la nene poli, ana ðelaga nasinenanen kilaen mlamulen viowa naña suñña miyuñña manene laa e kiau malena, naga ke narui naga suñña kila. ¹⁸ A kiau ðelaga na kilaen mlamulena viowa nene, pe nepisuli re nesape naga kila sur wo tai se kiau malena poli wa. Yam moki kiau nasinenanena pisape nekila sur wo, ana siraunia, pe nekila re poli.

¹⁹ Sa ke naña nepisa ke narui, pe nekila re nawoena naña sineun kilaen poli, ana napiowaena la naña pe sineun re kilaen poli, sur nene naga ke nane nesuñña nekila ke narui. ²⁰ A visae nesuñña nekila ke napiowaena la naña pe sineun re kilaen poli, nanene kana kinasa sane pe nekila re po poli, ana sur taña suñña mñareran ke sape nekila, nane ðelaga na kilaen mlamulena viowa naña sike e kiau malena.

²¹ Pelaga na kilaen mlamulen viowa nena, nepisu sane naga navisaluaena mñarera taña sina ga tai naña suñña miyuñña ke e inu. Pona pogos tai sineun nesape neyuññaen suri wo tai yo, ana sitomena viowa sike ga lavisi, kilali naña were inu neva neviowa sina ga. ²² Pogos moki, e kiau sitomena in ga taaga, nesuñña nesitomñal ke suri la naña Ntewa pisa, a nepisu kiena visena lala apowo pañisi, ²³ ana nemloge e inu sane visena taña si tai naga mña suñña pis. Naga nane ðelaga na mlamulen viowa, naña naga suñña mñareran inu vena nesu vatanon mñareraena na kiau nasinenanena piowa lala.

Naga sane nasinenanena viowa la nene asike e tasneu, asumã akila ke pupia mara amio nawoena la naþa asike e kiau sitomena.

²⁴ Kei, sitomena wo amio þelaga viowa, lalua asumã apeveyu ke e in sanene, nemloge piowa paþisi, nepisu kieta malena e yomarava na tolona marena nini m̃arera paþisi. Ana ane yoko kilia iila ita, ane yoko werelua ita e naloge viowaena nene? ²⁵ Kieta malena m̃arera paþisi naþa, komin e kana lepas ne tai, kieta sitomena sinenan sape logear navisaluaena kiena ne Ntewa, ana e kana lepas ne komþasa, þelaga na kilaen mlamulen viowa sumã miyumãe ke e tasneta.

Ana lelaga, potena paþisi pa Ntewa, komin naþa naga pitetalia kieta Suþe Yesu Kristo pitomi, naþa yoko iila ita, werelua ita vetan naloge viowaena nene, tamalia ita.

8

Malena wo amio Ninuna Wa

¹ Kristo Yesu pitomin tamalia ita, ana kila sane ita naþa kieta malena su ruru sike amio naga rui, yoko Ntewa taþatete la nakoena van ita pog tai.

² Nanene komin nanua sumo, tesike e malena viowa naþa þelaga na mlamulen viowa pa metava, a naþa pisaar marena pan ita, ana siraunia, Yesu Kristo þerelua ita petan malena nene, mligan ita tesike e mrapa viu taþena tai naþa tekilia tetol malena wo naþa Ninuna Wa mlavia.

³ Yar la asuñña aþion ke nalogear ruruen navisaluaena kiena ne Ntewa vena atol nataliaena ea, ana akila þele ga vanon yaru naga þarin m̄arera paþisi. Ana ya naþa akila þele ga, Ntewa ga kila. Naga mligan narina Yesu pitomi e yomarava, kila tasnena a kiena malena maran taaga sa ke ita li na mlamulen viowa lala. Ana Yesu pitomi tam̄an tasnena a kiena malena nene, sane kuþaþaena tai vena weluaen nakoena na kieta mlamulena viowa lala. ⁴ Nakoena na kieta nakilaroen navisaluaena, naga ga þaria, kila ita temesmesu rui e visuena kiena ne Ntewa, ana nagane pe temial re si e þelaga naþa mlamulena viowa suñña þuarar itania, ana tekilia teyaloro ga e þelaga naþa Ninuna Wa suñña susumon ita ke ea.

⁵ Yar naþa suñña mialoro taveve ke þelaga na mlamulena naþa naga paeme amio, kiena sitomena suñña pulen nasinenanena viowa na yomarava, ana yar naþa suñña mialoro taveve ke Ninuna Wa, kiena sitomena pule mamaga e sur wo la naþa Ntewa sinenania. ⁶ Nasinenanen maneneen þelaga viowa lala e yomarava nini, naga pe mrapa na marena, ana nasinenanena maneneen þelaga wo kiena Ninuna, naga pe mrapa na suñmare, pe mrapa na malena. ⁷ Yar naþa kiena sitomena sinenan manene þelaga na sinenanena viowa, naga pe nasinekar kiena ne Ntewa nenaga. Pona pe sinenan re vatanonen navisaluaena kiena ne Ntewa la poli yo, pona visae peraga, pona sinenan m̄a vatanon yo, ana komin naþa naga pa piowa manene la rui pano-o, ana yoko vatanon þele sina, ana naga pe yar

na sanene narui. ⁸ La naña amiyaloro ataveve ke ðelaga na mlamulen viowa naña apaeme amio sanene, taðatete akila sur tai naña yoko Ntewa kilia kekarania.

⁹ Ana ko naña visae Ninuna ne Ntewa teke e ko, ve oyal re si e ðelaga na mlamulen viowa naña opaeme omio, ana monar osumña oyal e mñareraena kiena Ninuna naña Kristo mla pan ko. Ana visae yaru tai sumña ga naña Ninuna nene ve to re si e naga, yar nena pe pe kiena re Ntewa poli. ¹⁰ Pelaga na mlamulen viowa na yomarava nini kila sane ita make ga tasneta monar mare pogos tai, ana ita naña Kristo sike e ita, naga kila ita temesmesu e marana rui, ana yoko ninuta mal lue ga. ¹¹ Ninuna ne Ntewa naña kila malia si Yesu petan marena, nane ninuna ne nane teke e ita narui, a yoko kila mña wo ve sanene van ita. Pe sur korena ga naña tasneta mare, ana Ninuna Ntewa naña sike e ita yoko kila malia ita sina.

¹² Erau lala, Ntewa kila po pañisi na pan ita sanene, ana kila sa naña kieta pupia lapui sike e naga narui. Sanene, popon telamaran si sur wo vania, ana pe pon re si teyaloro tetaveve kieta ðelaga na sinenanen mlamulena viowa poli.

¹³ Pelaga na mlamulena viowa naga pe mrapa na tolen marena, ana yar naña sinenan yali taveve mrapa na malena, naga monar tañan Ninuna yumae ea, iila vena te plan nasinenanena viowa nakilaen mlamulena viowa vetan kiena malena.

¹⁴ A ita naña temlogear pulgona ne Ninuna Ntewa sanene, ita ke la nene narui tepe narina

ne Ntewa lelaga. ¹⁵ Nanene komin naña Ninuna ne Ntewa pe kila re tepim sane tepe yar na yumãe korenan re poli kiena ne Ntewa, ana naga kila sane Ntewa kuslua ita tepe kiena, tepim tepe narina lala. Sanene, monar ve temaraun re Ntewa, ana pogos naña tevis vania, tekilia tevio sane arimata, tevisave “Ata.” ¹⁶ Mesmesun ga naña tevio ve sa nene komin Ninuna Ntewa sumã pian ita ke narui ana ninuta mña kilia sape lelaga, ita tepe narina ne Ntewa.

¹⁷ Ana komin ita tepe narina ne Ntewa sanene, navisa ruruena wo la naña Ntewa mligan ruru sike ne ve kiena ne narina napo naña Yesu Kristo, yoko ave kiena ne ita narina taña mña lala, yoko towaria tevion pae temio. Lelaga naña sane ita mña monar towar naloge viowaena sa ke ga naña naga ãaria, ana visae tekekara ga, yoko Ntewa kila wo vañisi van ita maran taaga ve sa naña kila po pa Kristo.

Yoko wo vañisi va yeririna lelaga kiena ne Ntewa

¹⁸ Nagane e yomarava nini tesumã tepane ke pog mñarera la nene moki, ana visae kieta sitomena la su ga e naurarena naña yoko imi sirau, nekilia nevisa nevisave e kiau visuena, naloge viowaena la na nagane, ape suri korena ga. ¹⁹ Naloge viowaena la nene sumã tol ke sur make ga naña Ntewa siia, a sur punu ga sumãte ke ga wa, sinelan manene la asape popon legiena maro imi, vena Ntewa kipian ga na wa naña sape a la ne ape narina kemua lelaga. ²⁰ Nanua

sumo, pe naloge viowaena re poli, vanon Ntewa si sur punu ga apoga ga, ana siraunia, asumã apim apililua, apororowaia, apioyowa sanene pano-o, sur make ga pe su re si sa naña naga sinenan poli. Naga tamãan sape ve sa nene e yomarava, vena kilaen ve sa naña yoko yeririna lala monar asitom asave monar awasine ga naga. ²¹ Sitomena nene yoko monar sike e narina lala, naña monar alelaga avisave yoko sur la tařatete asu mã sanene silaga, monar asitoñal asave pogos tai yoko naga kila sur la punu ga naña naga sii la aim awo sina, atol kiena naurarena, sa ke ga naña ita narina la nene yoko tetolia.

²² Ana nagane tepisu ke yomarava nini na wa, naña siar nanua sumo pimi, sur la naña asike ea asumã amloge piowa sa naña sira tai sape war narina. ²³ A maran taaga sa ke mēna ga ita naña tetol Ninuna Wa sane nalaena řesia tai naña Ntewa mla pan ita, naña kila tesitoñal naña řisi na nalaena keviu imi sirau na wa. Ita mēna ga, tagena sike e losineta la na wa, a tekilia sa naña yoko teloge viowa mã vano-o tol pogos naña Ntewa wereplan ita vetan yomerava. Sinetan manene sur nene pařisi, komin ita na sane ninis la naña kus plan la ga. Ana e poglis nene, yoko teloge ga wo na wa sane ita tepe narin kemua la lelaga naña teva tesike nena temio e kiena yo napo.

²⁴ Sur ne nanene naga tamalia ita vanonia, a siar e pogos nene pimi, tesumã temlelaga ke m̃arera e kiena navisaarena naña sape yoko naga

kila wo van ita ve sanene. Temlelaga m̃arera e naga komin pe tepisu re poli wa, ana pogos naṓa imi m̃alivi, yoko taṓatete si tevisave telelaga tevisave ve sanape, vanon sane ve sanene narui.

²⁵ Ana pe tepisu re sur nene poli wa, ana monar telelaga m̃arera sane yoko ve sa nene, a monar tekila kieta sitomena la ve piayavi vena suṓateen vano-o kilamarata la visu ga na wa.

²⁶ Pogos naṓa tesuṓate ke sanene, pogos tai sineta marenia a yepeta malumu, ana silaga Ninuna Wa suṓa miila ita, pogos tai sinetan tesape telen wo pog m̃arera lala, ana temloge piowa manene narui tekilali naṓa tepis, toṓal ṓele visena napo navisaena. Ana e pogos nene Ninuna Wa kilia imi, kus leleta narui naga lenin kieta e tagena la naṓa apisawal ke kieta sitomena la naṓa visena la pe torokin re avisa poli. ²⁷ E pogos na sanene, Ntewa kilia make ya naṓa sike e losineta lala ita kiena li na lelagaena lala, a kilia naṓa Ninuna suṓa mlenwo ita ke lala, naṓa suṓa pisa ke ga sur la naṓa mesmesun nasinenanena naṓa sike e sitomena kiena ne Ntewa rui.

²⁸ A e pog m̃arera naṓa tepanea, e ya naṓa yoko imi m̃alivin ita, tekilia tesape yoko Ntewa kila sane e kana luasa, yoko woga ga van ita naṓa sineta si naga. Naga kila sanene komin naṓa mligan plan ita sumo rui vena kila kiena yuṓaena wo lala e kieta malena. ²⁹ Naga kilia ruru ita nakonua konua rui pimi, mligan ruru kieta mrapa nakonua rui, ana kila kieta malena ṓar nono na narina naṓa Yesu. Sanene, ita tepe

puruvi a tepe vineta lala e mratava taaga, naña Yesu naga sane kieta puruvi nasumo.

³⁰ Nane yumñaena wo ne nane Ntewa kila pa yeririna la naña mliganar la vena ave kiena namratava lala. Naga pio la vena aim puna, kila la ape mara wo amio naga, a kila sa naña yoko atol kiena naurarena e legiena naña yoko imi.

Sinesiena wo kiena ne Ntewa

³¹ Sur la nene akila merarava sane Ntewa sike amio ita, sumña kila ke po pan ita, a visae ve sa nene yoko tevisa si ya ne? Visae Ntewa sitom visae visir plan ita, yoko ane kilia kila si teloru?

³² Tepisu naña Ntewa sinen miye ita manene pano-o tamñan sape aweñar narina vanon ita, ana visae kekearan naña kila pupia yumñaena wo van ita sanene, yoko kekearan mñaena la sur nowo tañena la van ita. ³³ A nanene Ntewa sumña kila ke pan ita rui. Naga ga mligan lua ita vena teve kiena narui, ana yoko a si naña visave ita pe tetorokin re toñalivi e marana poli?

Ntewa ke narui naña sumña pisa ke sape ita temesmesu temio naga rui, ³⁴ ana a si naña visave monar towar nakoena vanon kieta mñamulena viowa? Pe yar re tai po, okilakan naña Navisaarena Yesu kila sur make rui. Naga mare wo ita, siraunia mal si petan marena, siraunia ãasupea pa teke tano e kiena lele wa ma metava amio Ntewa, a nagane pisawal ita ke pa Ntewa vena Ntewa viewo ita. ³⁵ Kristo sinen si ita manene sanene, sur ya si naña yoko kilalua ita si vetan kiena sinesiena nene? Pe sur re tai poli.

Pogos tai, yumñaena la urmi pan ita, pona yar la akila piowa pan ita. Pogos tai, tetol pog mñarera,

pona pe kata kinanena re poli, pona pe m̃ata kulgota re poli. Pogos tai temaraun kieta malena, pona takan playu na mara, ana peraga, silaga Kristo sinen sii ita, a kieta malena su ruru sike e limana. ³⁶ Nanene sa naḡa Parin Suḡe Tepet pisa nakonua rui, e pogos naḡa naga m̃ena kus ke pog m̃arera, naḡa sape:

*“Kiom̃a kia sike e imimi,
ana sinelan asape awe mom̃ar imimi lue ga,
apisu imimi sane sipsip la naḡa asvilevilesan vena
asiro kolmekila.”* *Yauena 44:22*

³⁷ Ana sur kar la ne sanene, akilia aimi aḡalivi pun ita, ana pe suri korena ga, e sur punu ga na sanene, sinesiena kiena Kristo sike e ita, ana tesulue ga metava, tetaulu silaga. ³⁸ Nekilia nevisaar nena van amiu, nevisave pe sur re si tai poli naḡa kilia kila Ntewa pe sinen sii ita re si poli. Visae temali pona temare, visae navisi la asike amio ita pona yermare la apimin ita ke yo, visae tevane sur la naḡa asum̃a aḡaliv ke nagane yo pona tevane sur la naḡa yoko aḡalivi e legiena na pimi ke ga wa, ³⁹ a visae nam̃areraena wo lala na yo na metava asike amio ita, pona nam̃areraena viowa na yo tano asuwo ita, ana pe sur re nena tai naḡa Ntewa siia kilia lalua kiena sinesiena vetan ita. Kristo Yesu kieta Suḡe mligan sinesiena kiena ne Ntewa sike e kieta malena la rui, ana sulue na sike ne.

9

*Pol mloge piowagan naḡa le Yu la pe sinelan re
alelaga sane Yesu naga pe kiela Navisaarena poli*

¹ Erau lala, nagane sineun nesape nevisayu e lepas nene naña ita le Yu lala, tesape ita na yeririna kiena ne Ntewa lala, ana ita mokliu naña pe sinelan re Yesu poli. Ana yoko ve sanapen la nene? Pogaga, tañatete nevisokan, monar nevisawal van amiu e sitomena wo lañasia naña Ninuna Wa kian pan inu e lepas nene rui, ² ana lelaga, visena la nene, akila sane kiau sineyeena a kiau naloge viowaena keviu pañisi, pe pito re nena tano poli.

³ Nanene komin nagane, kiau malena sikol amio Yesu rui, ana nepisu sane namratava tañena na Yu la naña ita kuruta taaga, kiela malena pe sikol ruru re amio naga poli wa. Visae nekilia nourelua in sina vena la akilia aimi akus leleu, yoko nekekara ga, ana tañatete ve sanene. ⁴ Asitomyuli sur wo la naña Ntewa kila pan ita le Yu la rui, naña la na sanini:

ita ke narui naña Ntewa mliganar kata apua
lus nae Israel lala sape ape kiena yeririna
lala,

ita ke narui naña Ntewa pisawal sape kuslua
ita sane tepe narina lala,

ita ke narui naña Ntewa mligan kapi vivaga
na kiena urarena sumon kieta yeririna lala
e yomema nanua sumo,

ita ke narui naña Ntewa sumña kila ke navi-
ranarena lala amio kieta yermarua lala,

ita ke narui naña Ntewa mligan kiena nav-
isaluaena sike e ita,

ita ke narui naña pupia yuñña wa na lotunen
Ntewa sike pun ita,

ita ke narui naña Ntewa pisaar navisa ruruena moki pan ita,

⁵ ita ke narui naña tepio yermarua wa nasumo lala, sane Epraam, Aisak, amio Sekop, ape kata apua lala,

ana metavan sur make la nene, ita ke narui naña Yesu molue kome kieta lusia, naga paeme e yomarava nini sane pe yar ga, ana naga mēna pe Navisaarena, naña naga Ntewa naña pe suḡen sur make ga, naña popon teyeluar naga silaga vano-o ve uro re.

Sur wo ne naga ke la nene narui naña Ntewa kila ve kiena ne kiena yeririna lala, ana ita mokliu naña tepisuia sane ape sur koren ga.

⁶ Nane la naña pe asikol la ruru re amio Kristo poli, a pona yeririna laḡasa asitom asape suri nene kila sane navisaarena naña Ntewa mlaḡesania pe māliwi re sa naña naga pisa poli, komin naña naga pisaar sape yoko kiena navisa ruruena su make amio lus kiena ḡe le Yu lala. Ana pe sa re nene poli, komin sur taḡena tai naña pa sanini, sape la naña amolue akome lus kiena Sekop, naña tepio la le Israel lala, pe la make re naña Ntewa sape la ape kiena yeririna la poli.

⁷ Pona tevisa si visena nene kome mrapa taḡena, tevisave la naña apisape la kala apua Epraam, pe la make re naña tesape la amolue e kiena lus nena napo poli. Visena tai naña sike e Visena Wa pisa sanene rui, naña Ntewa pis pa Epraam, e lepas na narina lua nene Ismāel amio Aisak, pisape

“Kiomña lus napo lala yoko amolue ga akome narumña naña Aisak.”

⁸ Ana visena nene, kana kinasia sape la naña Ntewa pisu sane asike loyũa e ãegas nen lus kiena ne Epraam kemua lelaga, la ape ai? Pe yeririna make re naña amolue e lus kiena ne sisi tañaena la naña naga ãar la poli, ana la naña amolue e lus na nisisi naña Aisak, naña Ntewa kilologia naga, pisaaria sape yoko kiena navisa ruruena lala sike e la.

⁹ Tekilia tesape sanene, komin nanua sumo Epraam mla sisi pa kiela sira na kilavanen yo mala naña Aka, ana sisi nene pe naga re naña Ntewa sape yoko lus kiena ne Epraam napo la amolue akome poli. Ana Ntewa piranar ruru sina ga amio Epraam, pisape “Epraam, yoko nekila van ko omio woma Sera, sane e kas na sirau, e pogos na sanini, yoko amiu lua awar narimiu tai, ve yermene.” Ana siraunia, sanena naña Ntewa pisaaria, ana narina ne Epraam nene, Aisak, naga ke narui naña ita lus kiena ne le Yu lala tomolue tokom ea.

¹⁰ A pogos naña tepisu Aisak pimi keviu, naga narina tai, a maran taaga ke sina ga, wona naña Repeka naga ãar kaora Sekop amio Esau, ¹¹ a pogos naña lalua pe apaeme re poli wa, Ntewa pisawal ya naña maplar pe kiela lalua. Naga pe sitom re sape kila taveve kiela yumãena lalua poli, sape lalua akila suri piowa pona po, ana kila ga taveve ya naña sinenania. ¹² Ana pogos naña lalua apaeme, Esau na paeme ãesa a Sekop paeme maro, ana Ntewa pisa pa kala auia, pisape

*“Naga naña paeme maro yoko taãatete logearia
naga naña paeme sumo, ana naga naña*

*paeme sumo, naga monar logear naga naña
paeme maro.”* **Nas 25:23**

Sanene, pe ðelaga marua nataveveen re nene poli, ana kila meraravania sape Ntewa pisirlua yaru, pe taveve re sitomena kiena yaru poli, ana taveve ga ya naña Ntewa maplaria. ¹³ A sur nene merarava po pañisi e lepas kiena kaora lalua nene, komiñ naña visena tañena sike e Nasiriena Wa rui, naña Ntewa pisape

*“In na nemligan Esau naña naga paeme ðesa,
naga sike vatano, a nemligan Sekop naña
naga paeme maro, naga to metava.”* **Mal 1:2,3**

¹⁴ Pogaga, Ntewa pisawal kiena sitomena merarava ruru sanene, ana yoko tevisa si ya narui? Pisi na tekilia tevisave ðelaga kiena ne Ntewa nene piowa ga, pona naga kila pe mesmes re e lepas kiena lalua nene poli yo? Ana peraga, tañatete tevisa kare Ntewa sanene. ¹⁵ Nanene sa ke sina visena tañena tai naña pisa pa Mosis nanua sumo rui, naña sape

*“In na nepe Ntewa, sike ga e inu sane nekilia sineu
ye yar ai naña sineun nesape sineu yea.”*
Nau 33:19

¹⁶ Sanene na Ntewa sumña pisa plan kiena yeririna lala, pe taveve re naña la ga apisape naga monar visa plan la, a pe komin re naña la añion asape akila sur lañasa naña sane pona naga kekaran la vanon yo, ana naga pisa plan yar lala taveve ga kiena sineyeena e yar la naña asuñña amloge ke piowa.

¹⁷ Pelaga kiena ne Ntewa nene, naña kila ke pa yaru taveve ga kiena sitomena, tepisu naga

kila m̃ena pa Parin Suḗ Pero nae Isip, e pogos kiena Mosis nanua sumo. Pero nene naga yaru tai naḗ naga kawē ke yeririna kiena ne Ntewa, ana Ntewa pisalua naga m̃ena ga vena kilaen kiena yum̃aena tai, sa naḗ Nasiriena Wa pisape, naḗ Ntewa pis pa Pero, sape

“In na nepisirlua ko vena ovisuar kioḃa purvanua. Yoko netam̃an ovilaven kioḃa m̃areraena sumo wa, ana nekila vena yoko ovisu ga kiau m̃areraena na wa naḗ naga m̃arera manene taulu kioḃa nam̃areraena, a sineun nesape yeririna la nae yo make ga yoko akilia sane nam̃areraena make ga sike ga e inu.”

Nau 9:16

¹⁸ Sanene, tepisu yar naḗ Ntewa sinenan sape ve lemam vania, yoko monar ve sa nene, ana visae yar tai ve sa Pero nene naḗ Ntewa sinenan sape kila kiena sitomena m̃arera vania, ana monar ve sa ga nene narui.

Sinemimiena kiena ne Ntewa, amio kiena lemamiena

¹⁹ Nepisa sanene, yoko monar sitomena tai va metava naḗ yaru kilia viun sanene, visave “Visae e yaru laḗasia, Ntewa ve lemam van la, a e yar taḗena lala, naga sum̃a kila ke naḗ kiela sitomena m̃arera, yoko ve sanape narui? Visae Ntewa naga ga narui naḗ sum̃a kila sape teim towo pona teim teviowa, ana pe pon re naga liḗere ita si poli. A visae Ntewa sinenan kila van ita taveve ga kiena nasinenanena, yoko taḗatete tevisaluḗar tevisave ve kila re.”

²⁰ Ana yoko nevisatañe visena la nene, nevisave: Peraga Mara, ko na ope yaru ga, ko ope sur tai naña Ntewa siia, ana ve okilali re naña ovisatañe kionña visena tometavan si naga. Naga sa naña visae yaru tai sumña yuñäen porotano ve piaki. Pogos na yuñäen pae porotano ve piaki p̄isi, ana piaki na porotano nene tařatete kilia sumalu vis sina vania, visave, “Ei, komin ya ne omiyuñäen kare in ga sanene?”

²¹ Ana tařatete ve sa nene, komin yar naña miyuñäen piaki naña e porotano, sike e naga kilia yuñäen taveve kiena sitomena. Visae la narin porotano tai, kilia yuñäen piaki tařena ve lua ea. Tai, piaki nowo tai naña popon p̄ařagena lala, a tařena, naga piaki tai na uña ga.

²² Ana Ntewa m̄ena ga kila sa ke nene, naga m̄ena ga kiena sur lua naña naga sinenan sape kila. Naga sinenan sape kila yar la avisu kilale naña naga sinen kar ke kiela mlamulen viowa lala, vano-o yoko kilia la ruru nakoena van la amio kiena nam̄areraena. Na konua rui, naga kila kiena sitomena piavi pan la, ana nagane sike ga e naga kilia kila van la ya naña naga sinenania. ²³ A sur tařena naña naga sinenan sape kipian la, naga kiena p̄elaga wo la naña naga sinenan sape kila van ita la naña naga pe lemam pan ita. Nanene naga sane nakonua rui, naga kila ruru kiena navisa ruruena nowo lala, a nagane miyuñäen ita sa naña pias nen sur naña kon la vito ea. ²⁴ Naga kila po pan ita sanene komin ita ke narui naña naga pio ita, naña ita lařasa tomolue e lus kiena ne le Yu lala, a ita

laþasa pe tomolue re e lus kiena le Yu la poli.
 25 A þelaga nene sane visena kiena ne Ntewa
 tai naþa Navisawalena Osea pisawal e kiena tus,
 naþa Ntewa pisa sanini, sape

*“Þegas nen yeririna la naþa nanua sumo la pe ape
 kiau re poli,
 a nagane nepio la, nesape ape kiau yeririna lala.
 Purvanua nene naþa nanua sumo pe nesitoñal
 re poli, a nagane nesape nekekarana paþisi.”*

Ose 2:23

26 A yam si tai, Osea pisawal taþenan si visena
 kiena ne Ntewa tai, naþa pisape

*“Nanua sumo nepisa pa yeririna nae e yo nini lala
 nesape la pe ape kiau yeririna re la poli,
 ana nagane, yoko aloge naþa asumã avio
 la asape naruu lala, in na nepe Ntewa
 namãreraena, nepe Ntewa naþa nemali.”*

Ose 1:10

27 A visena taþena pisa ke mēna sanene, naþa
 sike e tus naþa Navisawalena Aisea siriyuia. E
 yo nene, naga mloge piowagan le Israel, pisape

*“Þegas nen yeririna nae Israel lala la moki
 manene laa, la moki na moki, la sane mras
 nen none naþa yar wolo þele ga.*

*Ana suri piowa tai, yoko la ve lua la ga naþa
 Ntewa tamalia la.*

28 Ana e pogos na liþereena, yoko naga la
 nakoena va yeririna lala na yomarava.
 Yoko kilapel ga la ve moki naþa pe amlelaga
 re poli.”

Ais 10:22,23

29 A nanene yoko ve sa ga visena taþena naþa
 Aisea siriyu nanua sumo rui, naþa pisayu pogos
 na liþereena naþa yoko imi, naþa visae Ntewa

ve sinen ye re yaru, yoko la punu ga akokovio.
Visena nene pisa sanini, sape

*“Ntewa pitomi amio kiena yar na mara lala, lavisi
we moñar make ita. Visae ve sinen ye re
narita la naña avetorokaki, ana mligan la
asikena, yoko kieta lus la akokovio make
nenaga.*

*Lavisi naga kila van ita maran ve taaga torokin
ke ya naña kila pa yar viowa la e pupia yo
lua nene nanua sumo, Sotom amio Komora,
ana siraunia kila sane ita lañas tekilia
temal tesike ga wa.”*

Ais 1:9

³⁰ Pogaga, visena la nene kana kinasa sanini, sape la naña pe ape Yu re poli, pe aņi re yon naña ataveve navisaluaena kiena ne Ntewa poli vena amesmesu e marana, ana siraunia, pogos naña amlelaga e Yesu, Ntewa kila la ga apim amesmesu e marana na wa. ³¹ Ana le Yu lala, aņionli naña aimi alogear navisaluaena vena aimi amesmesu e marana Ntewa, ana akila ęele nena yonia, ana la apiowa ga narui. ³² Nepisape piowa pan la sanene, komin naña la aņilion naña aimi amesmesu e marana Ntewa, ana la akom e mrapa taņena, apa amlor ruru nena ea. La akome mrapa naña asitom ke sape kiela yuņaen wo lala kilia kila aim awo amio Ntewa, ana pe sa re nene poli. Monar tesuņal ga tese e ya naña Yesu kila, naga ke nene narui kieta mrapa naimen towo si temio Ntewa.

³³ Visena si tai sike e tus kiena Aisea, naña Ntewa pisawal ęakaiwa tai, naña pisayu kilavaru na ęeren yuņa tai, ana kilavaru nene naga Yesu, sane Navisaarena naña Ntewa mligan naga pimi.

Visena nene pisayu sa naþa yar laþasa pe sinelan re kilavaru nene poli, ana laþasa amlelaga ea, ana pisa sanini, pisape

“Avisu ruruia!

Nesumã nepisirlua ruru kilavaru wo na þeren yumã tai, nane metava e kunus naþa Saeon e pupia pulkumali kiena kiau yeririna lala nae Yerusalem.

Kilavaru nena m̃arera ruru po, ana yoko yar la ve moki naþa yepela mavinia, atan m̃a lala ea vano-o kila alolor kar ga va ke ne.

Ana yeririna la naþa alelaga e kilavaru nene, asumãarla asea, yoko nekila wo van la vaþisi.”

Ais 8:14, 28:16

10

Yesu ga kilia kila ita temesmesu e marana Ntewa

¹ Erau lala, nemloge piowagan naþa kiau lus ruru nena lala, sa naþa le Yu lala, pe amlelaga re poli. Ana sineun manene nesape monar atol natamaliaena, nane nesumã nemlen manene ke pa Ntewa vanon la ne. ² Asumã aþikeyon naþa akale Ntewa e kiela malena, ana nepisa lelaga, amninue mrapa, yoko taþatete alualia. ³ Nanene komin ga naþa asumã ataveve ke ga kiela sitomena lala, ana yepela mavin taveveen mrapa naþa Ntewa miyumãenia vena kilaen yaru imi mesmesu sina e marana. ⁴ Asumã am̃areran ke ga naþa asape nalogearen ga navisaluaena naga pe mrapa, ana mrapa nene piowa rui, komin naþa ita make ga tekilaro navisaluaena lala. Mrapa naþa tesape temesmesu temio Ntewa

komin naña temlogear navisaluaena, Kristo suwo rui, a naga miyumñaen kieta mrapa viu tai. A nagane, visae telelaga tevisave Kristo þar plan kieta mlamulen viowa lala, ana Ntewa kilia kila ita teim temesmesu e marana.

⁵ Visae ve tekilaro re navisaluaena, yoko woga ga, tekilia teim temesmes e marana Ntewa komin naña temlogear navisaluaena, komin Mosis pisa visena tai e lepas nene rui, pisape

“Yaru naña taveve ruru sur make ga naña navisaluaena nene pisa, yoko tol malena.” [Lev 18:5](#)

Ana pe yar re tai naña kiena malena po sa naña Mosis pisa poli, ana taþatete tetol malena kome kieta yumñaena wo la naña tekila. ⁶ Nakilaen sanene, naga m̄arera paþisi, ana visae telelaga ga e Kristo tekilia teim temesmesu e marana Ntewa, a naga pe pe sur re tai naña m̄arera poli. Sane visena tai naña Mosis pisa, naña pisape

“Pe pon re asitom avisave sur nene m̄arera paþisi, ana asum̄a aviuvun avisave ane yoko kilap̄esan mrapan ita vena vaen ma e peni?” [Nav 30:12](#)

Naviunena nene kana kinasa sape ane kilia va tol ma e peni were Kristo vitom tano e nini vena tamalia ita, ana sitomena na sanene piowa ga. ⁷ Pona aviun naviunena taþena naña sike e Nasiriena Wa la yo, naña sape

“Ana ane kilia vito tano vito tol yo kiena yar mare lala ana wasuþe sina?”

Naviunena nene, kana kinasa asitom sape Kristo mare e lak torovia, ana naga m̄ena ga pito sike e lelen marena, ana asitom asape taþatete yar tai

kilia vito si werelua naga e yo nene vena vam tamalia ita, ana tekilia tesape visena la nene pe po re poli. Tekilia ruru rui tesape Kristo molue ma e peni pitomi tano rui, a siraunia mare, p̄isi na naga suṁalu mal sina a pa si ma e peni rui. ⁸ Visae ve sanene, tekilia tevisataṁe naviunena la nene, tevisa visena taṁena naṁa Mosis pisa nanua sumo, naṁa pisa pisape

“Visena kiena ne Ntewa naṁa pan ita ita yeririna lala sike amio ita rui. Sike e limata, ana tekilia teligan se gota, tekilia teligan ruru se kieta sitomena lala.” *Nav 30:14*

A visena kiena ne Ntewa naṁa visena nene pisayuia, nane Lologena Wo naṁa mesuṁa melologon ke ne, naṁa pisawal ke sape yar lala monar alelaga e Yesu Kristo.

⁹ A ko ai naṁa olelaga e Yesu Kristo e losineṁa, ovisave Ntewa naga kila naga mal si petan marena, a okekaran naṁa ovisawal e yo metava ovisave omla Yesu pe kioma Suṁe, yoko otol malena. ¹⁰ Nanene komin naṁa visae yar naṁa lelaga e losinena visave Yesu naga mal sina petan marena, a visawal e yo metava visave Yesu naga pe kiena Suṁe, yoko Ntewa ve la re si nakoarena vania komin kiena mlamulena viowa lala, yoko tamalia naga. ¹¹ Naga nene sane visena tai na Siriena Wa, naṁa sane pisayu naṁa temlelaga e Kristo, naṁa pisape

“Yaru naṁa mlelaga ea, naga taṁatete kiena sitomena loru pog tai.” *Ais 28:6*

¹² Yaru naṁa mlelaga naga pe Yu yo, pona naga pe pe Yu re poli, ana Suṁe naga taaga pe kiela suṁe la punu ga, kila make po pan la naṁa

atag ke pania. ¹³ Naga sane visena tai naña Navisawalena Soel siriyu nanua sumo, naña sape
“Yaru ai naña vio kia kiena Suře, yoko tamalia naga.”
Soel 2:32

¹⁴ Ana lelaga, le Yu la mok liu naña pe apio re Kristo asape tamalia la poli, ana sanape na sanene? Nanene komin tařatete avio naga visae ve alelaga re ea, a tařatete alelaga ea visae ve alogeli re kiena kia pogos tai, a tařatete aloge kiena kia visae ve yar va lologon re van la. ¹⁵ A tařatete yar va lologo visae Ntewa ve ligan lua re naga vano, ana visae yaru nene kekarana naña vano, yoko ve sa naña Siriena Wa pisayu rui, naña sape

“Potena pařisi pa Ntewa naña kiena nalologena lala, temloge la amial tařin ke ava e kiela mraplepa la ne, asuňa apava ke amio kiena lologena wo.”
Ais 52:7

¹⁶ Nane visena naña yar lařas asuňa apisasa, ana nekilia nesape Peraga, Ntewa suňa pitetalia kiena nalologena lala apava ke rui, ana piowa pařisi naña le Yu la mok liu yepela mavin ga logeena. Nanene taveve ke sina ga visena na Siriena Wa tai, naña Navisawalena Aisea tagi pa Ntewa na mava, sape

“Ake Suře, mesuňa memlologon řa kioňa visena pano-o, ana sane yar la yepela mavin ga logeena.”
Ais 53:1

¹⁷ Ana nagane imimi sanene, mesuňa memlologon ke Yesu Kristo pan la, a pogos naña mesuňa memlologo, lařasa amloge, a pogos naña amloge, lařasa amlelaga.

Komin ya ne omlologon ke pa le Yu la naña apuloyu ke Siriena Wa la rui?

¹⁸ Nane nesuñña nemlologon ke pa le Yu la ne, ana yoko naviunena tai kilia kate e nene, sape Pona osuñña omlologon ke pan la sanene komin naña ositom osape pona la pe amloge re ya naña Siriena Wa pisayu poli yo? Ana yoko nevisatamea nesape, Peraga, visena kiena ne Ntewa tol la nakonua rui. La make ga akilia maran taaga torokin ke naña la make ga apisu ke mrae amio kupario a verue lala, sa ke ga naña visena tai e Tus na Yauena pisayuia, pisape

“Yeririna make ga na yomarava nini wetelu apisu sur la meta e sinapane, a apisu kilalea sane Ntewa sike na, pano-o tol yeririna la e yo la naña asike koperina, la mēna apisu kilale asape kiena m̃areraena keviu pañisi.” *Yauena 19:4*

¹⁹ Sanene, sane le Yu lala apisu kilale sur mokliu rui, ana sur viowa tai, la asitom asape Ntewa tamalia la ga yo. A pe apisu kilale re asape Lologena Wo naga kiena yar make ga, komin Ntewa sinenan sape tamalia mēna yeririna la naña pe ape Yu re poli.

Ana popon avisu kilale sur nene, komin kiela navisawalena marua lalua apisayu nakonua rui e Siriena Wa lala asape yoko ve sa nene. Mosis p̃esa, naña pisayu visena tai naña Ntewa pisa pa le Israel lala, naña sape

“Apisu piowa e la naña pe ape Yu re la poli, sa naña la ape sur korena ga, ana yoko amiu avielue e navisa ruruena la naña yoko nekila van la.

Amiu asitom asape tařatete la nene akilia akila sur wo tai, ana yoko sinemiu kari la e pogos nařa amiu avisu netamalia la mēna ga.”
Naw 32:21

²⁰ A nalua nena, naga Navisawalena Aisea, naga mēna suñalu pisawal nena visena tařena si tai kiena ne Ntewa e marana kata apua ita le Yu lala, nařa Ntewa pisayu la nařa pe ape Yu re poli, pisa pisape

“Nanua sumo, pe akale in re poli, ana siraunia, yoko atañan inu, nanua pe apiunin re poli, ana yoko siraunia, sinelan asape neva nakaten la.” *Ais 65:1*

²¹ Ana Aisea siri plan tařenan sina visena kiena ne Ntewa tai, nařa Ntewa pisayu la nařa pe ape Yu re poli, pisape

“Yar la nene asuñã amlogelu inu, asuñã akoven-lua inu silaga.

Nakonua rui nepikeřa ga luñau pan la, sineun nesape awasuřela aimi si pun inu, ana la na peraga narui.” *Ais 65:2*

11

Le Yu la yepela mavin Yesu, ana Ntewa pe pilon re māsina pan la poli

¹ Naviunena tařena suñã ga, nane e lepas kiena le Yu lala, sã nařa pe amlelaga re e Ntewa poli, ana naga mēna ga suñalu pilon māsina pan la, pona peraga?

Nekilia nesape peraga, naga pe kila re sanene poli komin in na nepe yere Yu na nesike ne,

inu mēna ga yermarua Epraam naga pe repiu marua, a in na nomolue e lus kiena yermarua Pensiman, a nekilia ruru po naña Ntewa pe koven lua in re poli. ² Sanene, nekilia nesape peraga, Ntewa pe koven plan ita re ita naña pio ita tepe kiena. Popon tesitoñal Siriena Wa tai nanua sumo rui, e pogos kiena navisawalena Elaisa. E pogos nene, Elaisa mloge piowagan p̃arñarera kiena yeririna lala kiena ne Ntewa, ana pisimumu pa Ntewa, sape

³ *“Suṽe, kioñã navisawalena lala, kioñã yeririna la asuñã aṽemoñar la, a kioñã wonta wa lala, asuñã akilarovia, a piowa pano-o nepisu sane in ga taaga nepatanon ko ke narui, a nagane in mēna ga, ataveve in ke ne asape alalua kiau malena.”* *Suṽe1 19:1*

⁴ Ana e poglis nene, Ntewa pisatañea, sape *“Peraga Elaisa, pe ko ga taaga re poli. Pe okilia re poli, ana e yo nene in na kiau yeririna la tol manu olua [7000] la asuñã sane ko, naña pe akila re lotena pa nono navisokanena poli, naña Paal nene.”* *Suṽe1 19:18*

⁵ A nagane, e kieta pogosa, maran taaga ga amio nene. Yar moki liu naña pe amlelaga re poli, ana ita ke narui naña tesike ne, ita narin p̃egas nen le Yu lala, naña Ntewa pe lemam pan ita, kian plan ita, narui temlelaga ea. ⁶ Ana popon tekilia ruru tesape Ntewa kian plan ita vanon ya? Pona yar laṽasa asitom ke asape naga kian plan ita komin tekila ke yuñãena wo la moki naña naga kekaran yo. Ana peraga, komin visae ve sanene, kana kinasa sane lemamiena

kiena ne Ntewa pe kila re nena sur tai poli. Ana Ntewa kian plan ita pe e re ga e naña tekila sur wo la moki poli, ana kian plan ita e ga e kiena lemamiena wo pan ita.

⁷ Tekilia tesape ita le Yu lala, ita make ga tesuña takale ke mrapa naña teim temesmesu temio Ntewa, ana ita lua la ga naña toñalia. Ana visae ve sa nene, yoko ve sanapen tañena la nene? Nanene kana kinasa sane la mokliu naña ape ãarmãrera pañisi, ana pe amal re mrapa nene po la wa. ⁸ Visena na Siriena Wa tai pisayu la ne sanene, sape

*“Ntewa tañan la asuña ga amio kiela wowe lala,
Ais 29:10
ana pimi tol nagane sa naña kilamarala la sike
na,
ana pe apisu kilale re sur poli,
kiligala la sike na, ana pe amloge kilale re sur
poli.”* *Naw 29:4*

⁹ A sa mēna visena kiena Parin Suñe Tepet nanua sumo, pogos naña sinenan sape Ntewa lalua m̃areraena kiena nasinekar lala naña asuña am̃areran ke naga. E pogos nene naga piun tai Ntewa, sape

*“Suñe, kiau nasinekar la nene silaga asuña
amloge ke pon kiela pupia ãaãagena lala,
ana nesape neviun tan ko vena okila sane
kiela na logewoena la nene vim sane suri
tai naña kila kare ruru la nenaga, kan la
ke sina ga, kila sane pe apisu kilale re sane
kiela nasinekar la asike ga lavisin la poli.*

¹⁰ *Ana popon sane okila kilamarala imi ãala, vena
ve akilia re si avisu kilale sur lala,*

*a okila naña kiela nasinekar la am̃areran
naña ayum̃ae koren ga, awar sur urmi la
e m̃asila.”* *Yauena 69:22,23*

¹¹ Ana e lepas kiena ne le Yu lala, Ntewa pe koven plan la re poli, ana pe lelaga naña, la apiowa towe m̃aga. Ana napiowaena kiena la nene, kila narui Ntewa tamalia la naña pe ape le Yu re la poli, a pogos naña le Yu la apisu Ntewa sinena miye m̃ena yaru tañena la nene, apisu piowa ga, apieluen la, ana kila am̃areran vena la m̃ena ga monar aim amesmesu ke sina ga amio Ntewa. ¹² Ana na nene kana kinasa sane le Yu lala kiela ðelaga nene, naña pe amlelaga re e Yesu poli, nanene kila mrapa na viewoena a navisa ruruena kiena ne Ntewa kilia imi tol la naña pe ape Yu re poli.

A visae le Yu lala, la m̃ena alelaga, alelaga vano-o tol marana naña Ntewa pisaaria, yoko kilia kila naña kiena navisa ruruena lala aim ave keviu manenea.

¹³ Pogaga narui, sineun nesape nevisa narin visena tai e lepas na pun amiu la naña pe ape Yu re poli. In na nepe nalologena naña Ntewa pisirlua inu vena navanon nevisawal kiena lologena wo van amiu, a naga pe yum̃aena tai naña nom̃areran ruru kilaena, komin naña nepisu po pañisi. ¹⁴ Nanene komin naña nepisu sane pog naña nemlologon ke pan amiu naña pe ape Yu re poli, asum̃a amlelaga, a kila naña imimi le Yu lañasa sinelan asape la m̃ena monar ava loyum̃a ea, ana la m̃ena amlelaga.

¹⁵ Sumo na, Ntewa pilon m̃asina pa le Yu lala, a nanene kila naga pisu la naña pe ape Yu re poli

la rui, naga sitom sape kilia kila kiela mrapa aim ave mara wo sina amio naga.

Ana visae le Yu la avilon la a la mēna awa-supela puna Ntewa, vera wo na wo, komin nagane la sa ga naṣa amarmare rui, ana visae alelaga e Yesu, yoko aim sa naṣa amal sina. ¹⁶ Yoko nevisa ṣakaiwa tai e yo nene e lepas na mralaki ṣesia naṣa tesuṃa toṣar pa e yuṃa na leniena, tepisa potena vanonia pa Ntewa, teyawawoia ve sur wa. Ana pogos naṣa toṣar ṣesan mralaki pa Ntewa, kila sane mralaki taṣena mēna la naṣa pe toṣar re poli, lala mēna ape wa, ape kana Ntewa. Ana yermarua kiena le Yu lala, la sane mras ṣesia naṣa apa ṣesan e yuṃa mēna Ntewa, a kila sane le Yu la naṣa aim sirau, la mēna ga ave kiena ne Ntewa. A yermarua la nene, la sane purlaki tai naṣa suṃa kapur ke e lokove kana Ntewa, a visae purṣesa ve kana Ntewa, yoko korowas la naṣa avim sirau la mēna ave kiena ne Ntewa.

¹⁷ Sanene, purṣes nene amio korowas lala naga kana kinasa yeririna kiena ne Ntewa lala, sane le Yu lala. Ana siraunia, Ntewa pisu korowas laṣasa piowa ga, ana peve plan la, a pa te plan ruru korowas nen laki taṣena tai naṣa sike ga yom̄arua, ana ṣar pimi, a teruruia piar la panon purṣesia naṣa sike lokove, vena kus lelen korowas la naṣa peve plan la rui.

Ana korowas taṣena la naṣa pimi sikol e purṣes nene, kinasa sane kam la naṣa pe ape Yu re poli. Amiu na pe amolue re e purṣes nen yeririna kiena ne Ntewa napo poli, ana naga sinenan sape amiu mēna monar asikol amiu

amio la loyurña e kana lokove, vena amiu punu ga awar kiena navisa ruruena lala.

La naña pe ape Yu re poli, la tařatete akilia awarwarlan naña Ntewa řere la

¹⁸ Sanene kam naña pe ape Yu re poli, kam na monar ve awarwar amiun re naña Ntewa piran amiu amio kiena yeririna lala, komin naña amiu na pe ape purřes re poli, ana kam na ape korowas ga la naña Ntewa sikol amiu e purřes nene naña sike pa sumo rui. Korowas lala pe kila re purřes mali poli, ana purřes ke narui naga suña kila korowas la amali. ¹⁹ Sa nene, pe pon re kam na asitom asape kam apo poli, ana asape, Ke, Ntewa na sinenan imimi pařisi, ana peve plan korowas lařas petan purřes nene vena kila sane mekilia mesikolia.

²⁰ Lelaga naña Ntewa peve plan korowas lařasa, ana kila ga pa le Yu la naña pe amlelaga re e Yesu poli, a pe lelaga naña sinenan sape amiu akilia asikol amiunia, ana nanene pe komin re naña akila yurñaena wo lařas poli, ana komin naña asuñal m̃arera e kiamiu viawaena e naga. Sanene, ve avilaven re naña apimi sane yeririna lala kiena ne Ntewa, ana monar ava ruru amiu asuña asitom ruru sur wo nene naña Ntewa kila pan amiu. A monar maramñe amiu ruru m̃ena ga, ²¹ komin naña sane Ntewa koven plan korowas marua la nene naña kiena yeririna la naña pe amlelaga re poli, yoko naga kilia koven plan amiu m̃a nenaga korowas viu lala maran va taaga sa ke ga, visae ve amiu awar re mras wo lala. ²² Sanene, e nene tevisu řelaga kiena

ne Ntewa e lepas ga luwoka. E kana lepas tai, kiena sinemimiena m̃arera na m̃arera pan la naṣa amloru, naṣa pe asm̃al re m̃arera e naga poli, sane le Yu lala. Ana e kana lepas taṣena, naga pe lemam paṣisi pan la naṣa pe ape Yu re poli, naga la naṣa akekarania a asum̃a ataveve ruruia. Ana la m̃ena ga visae ve asum̃alu re m̃arera, naga kilia te plan la sina ga vetan purṣes wo nene naṣa asum̃a asikol la ea.

²³ Nanene naga kila pa le Yu la rui. Pe amlelaga re poli, ana te plan la, ana visae avilopu la ga, akilia awasuṣela, ana Ntewa kilia sikol rurula sina e purṣesa sane kiena yeririna ruru nena la napo. ²⁴ Naga kila sanene rui pan amiu naṣa pe ape Yu re poli, komin naṣa amiu na sane korowas nen laki na yom̃arua, ana naga ṣere amiu apimi, sikol amiu e purṣesa naṣa sike e kana lokove, ana asikol amiu amio navisa ruruena naṣa naga sinenan sape la van kiena yeririna lala. A visae kila van amiu ṣisi, yoko kilia kila m̃ena van le Yu la naṣa naga te plan la, komin naga kekarani sikol ruru la sina e purṣes nene naṣa asikol e naga nanua sumo rui.

Ntewa sinenan sape le Yu lala atol natamali-aena

²⁵ Erau lala, sineun nesape nevisawal van amiu la naṣa pe ape Yu re poli, sane monar avisu kilalea sa naṣa Ntewa pe koven plan re kiena yeririna la nene poli, naṣa le Yu lala.

Lelaga sane asum̃a ape ṣarm̃arera ke ga wa a yepela mavin lelagaena, ana naga mligan la towe m̃a ga sumo, a sum̃a kila ke naṣa amiu naṣa pe

ape Yu re poli akilia alelaga, akilia aim ave moki loyũa vano-o tol pupia maran naña Ntewa sinenania. Sur nene sane sur tapolou tai naña yar la pe akilia p̃esan re poli, ana nagane Ntewa kila meraravan ruruia. A monar akilia sur nene, komin pe pon re awarwar amiun poli, asitom asape Ntewa sitom amiu ga, ana pe kekaran re si le Yu la poli. ²⁶ Pe sa re nene poli, ana yoko naga tamalia la na wa, sane visena na Siriena Wa tai, naña pisa sanini, sape

“Yar na tamalia itaen yeririna lala kiena ne Ntewa yoko m̃alivi ga e kieta yo, e kieta pupia pulkumali nene Yerusalem metava e tavie naña Saeon.

Ita lus lala kiena Sekop, ita le Yu lala naña kieta napiowaena la moki pañisi, ana yoko naga ke narui imi war plan make kieta nakoena lala, kila ita towo sina.” Ais 59:20,21

²⁷ Visena tañena na Siriena Wa tai pisawal navisaarena kiena ne Ntewa tai e m̃ena e lepas nene, naña pisa sanini, sape

“Kiau navisaarena pan la sike pa rui, sape yoko nowar plan kiela mlamulena viowa lala, neviewo la make ga.” Ais 59:20,21, 27:9

²⁸ Pogos naña Lologena Wo pimi m̃alivin le Yu lala, la pe sinelan re poli, ana e lepas tai naga po, komin naña kila sane kam la naña pe ape Yu re poli, Ntewa mla towe pulmas pan amiu vena alelaga. Ana e kana lepas tañena, naga m̃ena piowa ga, komin naña kila le Yu la apim si sane nasinekar kiena ne Ntewa lala. Ana Ntewa

tařatete kilia visu la ave kiena nasinekar silaga, naga monar sinena ye la sina, komin nařa naga tařatete sinen řesan kiena visaarena wo la nařa kila pan li marua lala kiena ne kiena yeririna la nene, le Yu lala. ²⁹ Ntewa pisaar navisaar ruruena la pan la řisi rui, a naga pio la ape kiena rui, a yoko naga tařatete kilia vilon sina ga kiena sitomena pogos tai.

³⁰ Sanene, naga miyumaẽae e ita sanene. Nanua sumo, kam nařa pe ape Yu re poli, kam na pe amlelaga re e Ntewa poli, ana pogos nařa imimi le Yu la imimi pe melelaga re e Lologena Wo poli, nanene kila kiena mrapa vena sinena ye amiu. ³¹ A pogos nařa naga sinena miye amiu sanene, kila nařa imimi mĩena memlelaga e Lologena Wo, ana yoko naga kilia sinena ye imimi sina. ³² Nane sitomena kiena ne Ntewa sanene narui. Nanua sumo naga tamãan nařa ita punu ga teyal e mrapa nařa pe sinetan re logeen kiena visena poli, kila sane naga kilia sinena ye ita, kilia were ita punu ga teim teve kiena.

³³ Erau lala, navisa ruruena lala kiena ne Ntewa e ita keviu pařisi! Kiena manmaruaena a kiena kiliaena apa manene laa metava! Kiena sitomena la merorol pařisi, a kiena řelaga la apowo manene laa! ³⁴ Sa nařa visena na Siriena Wa tai pisa, pisape

“Pe yar re nena tai nařa torokin tol ya nařa teke e sitomena kiena ne Ntewa.

Pe yar re nena tai nařa torokin kilia la visena na iilarena va Ntewa.

³⁵ *A pe yar re nena tai nařa kila po pa Ntewa torokin nařa kilia kila Ntewa monar lama-*

ran si navisa ruruena wo la vania ve sa naþa naga sumã þar ke pan ita.” Sop
41:11

³⁶ A nesikol visena nene, nesape: Kieta Ntewa, naga taaga pe purþes nen sur make ga, naga taaga pe m̃areraena na sur make ga, naga taaga pe luas nen sur make ga, ana popon ita punu ga teyeluar luen ga naga vano ve þisi re pogos tai.

12

Pelaga wo kiena yaru naþa mlelaga

¹ Erau lala, sa naþa Ntewa sinena miye amiu ruru nena ga, kila po pan amiu paþisi, sineun neviun manene van amiu vena monar ataþan kiamiu malena wetelu vania. Monar ave wa ruru wo, sa naþa amiyawawo tasnemi pania sane kuþaþaena tai naþa amla pania. Naga pe pe kuþaþaena re sane sur mali tai naþa amem̃ar mare, ana naga pe kuþaþaena naþa sane mali, a yoko Ntewa kilia kekaran manenea. Naga ke narui þelaga mesmesu na kilaen lotena va Ntewa naþa mesmesun naþa akila. ² A ve ataþan re sane naviowaena lala na yomarava nini awere amiu vena ataveve kiena þelaga, ana silaga, monar ataþan Ntewa kila kiamiu sitomena la imi ve urviu sina. Sanene, yoko kiamiu þelaga kilia vilonia, kilia imi wo silaga, a yoko akilia ayaloro ataveve nasinenanena kiena ne Ntewa, naþa po, merarava a mesmesu naþa mesmesu silaga. ³ Nepisawal visena la nene pan amiu, komin naþa Ntewa pe lemam pan inu, mligan lua inu, mligan yumãena nene e lumãau narui. A

nesape nevisa re m̃ena suri tai van amiu, sane pe pon re si naṣa asum̃a akila kiamiu sitomena apa manene metava poli. Tekila kiena yuṃaena sanape, ana kieta sitomena la monar mesmesu, monar su ga tano. ⁴ Taṣatete tevisave ita na tepo laa taulu taṣena lala, komin ita na sane tas nen yaru taaga, naṣa kana korowasa la asum̃a ga, ana korowasa la peve taaga nene kiela yuṃaena na kilaena la susuṃa ga. ⁵ Sane ita moki, ana Kristo ṣere ita make ga tepim tepe taaga, ana sane inu neṣasine ko, a ko oṣasine inu. ⁶ A Ntewa pe lemam pan ita, a taṃan nakiliaena taṣena lala pan ita, naṣa sane nalaena lala naṣa naga kian plan pan ita vena teyuṃae temio. A ita veve taaga monar toṃareran teyuṃae temio ya naṣa mla pan ita. Sanene,

visae Ntewa taṃan van ko sape kioṃa, ko na ove navisawalen visena naṣa mla pan ko, ana monar okila omio pupia lelagaena naṣa sape sane kiena visena nene pe lelaga paṣisi,

⁷ pona visae kioṃa, ko na ove naiilaen yuṃaena na suṃare, monar okila omio kioṃa ṃareraena wetelu,

pona visae kioṃa, ko na ove navianena yaru e visena kiena ne Ntewa, ko na monar yepem̃a ṃaen ruru kilaena,

⁸ pona visae kioṃa, ko na ove naiilaaren sitomena kiena yaru lala, ko na monar ositom urmin kilaen,

pona visae kioṃa, ko na ve nalaen naiilaena, monar owar ve moki,

pona visae kioṃa, ko na ove nasumonen yaru
lala e yuṃaena kiena ne Ntewa, ko na monar
ve omalum re,

pona visae kioṃa, ko na ve naiilaen la naṓa
asike e pog ṃarera, ko na monar okekaran
kilaena.

⁹ A naga ke nene narui ṓelaga wo taṓena la naṓa
akila:

kiamiu sinesiena e yaru taṓena lala monar ve
lelaga,

monar aure vetan ṓelaga viowa lala,

monar auarar ruru ṓelaga wo la ṃarera,

¹⁰ monar avinaia amiu sane ave namratava
taaga ga,

monar akilali naṓa avisu sane ane yoko kilia
kila ruru ṓelaga navatanonena va la ga wa,

¹¹ ve ataṃan re naṓa kiamiu sitomena ṃarera
na kilaen suri wo la kovio sina vetan amiu,

monar akila sane kapi vivaga sa Ninuna Wa
suṃa vivaga ruru e amiu,

¹² monar akekaran navisaarena kiena ne
Ntewa naṓa kiamiu sitomena wasinea sane

yoko kila wo van amiu sa ga naṓa naga pisa,
pogos naṓa avane naloge viowaena, monar

akila kiamiu sitomena ve piavi,

monar alen silaga,

¹³ pogos naṓa li nalelagaena taṓena lala limala
plasan suri laṓasa, monar akekara aliureure

suri van la,

a monar akekaran visuaren yaru taṓena lala e
ṃamiu uṃa.

¹⁴ A nanene suri si laṓas nanini narui naṓa

monar asitom ruruia vena kilaen va yaru taņena lala:

visae laņasa asumņa akila kare amiu komin naņa amlelaga e Yesu, monar akila wo van la. Ve avis re viowa van la, ana aviun Ntewa visa ruru la,

¹⁵ visae laņasa amloge po komin suri nowo tai, amiu mņena monar akekara amio la,

visae laņasa asumņa atagin ke sur tai, amiu mņena monar atag amio la,

¹⁶ visae amiu amio taņena lala, monar asu ruru ga amio la naņa kiamiu sitomena ve taaga ga,

visae ayumņae amio taņena lala, ve aligan amiu re metavan la, sane amiu na apo, ana akekaran ga narin yumņaena lala, a akekaran ayakol amiu amio yar la naņa ave torokaki,

visae akila suri laņasa, ana ve asitom re avisave ape manmarua, ana akila kiamiu sitomena vito su ga tano,

¹⁷ visae yaru laņasa akila viowa van amiu, ana ve akila maran re si naviowaena van la, ana silaga monar asitoņalia vena akila suri punu ga naņa yoko yaru la akilia avisu kilale asape po a mesmesu,

¹⁸ a visae kiamiu suri viowa tai sike likan amiu amio yar taņena lala, monar akila suri make ga naņa sike e limamiu vena were si sumņarena imi sike pun amiu punu ga.

¹⁹ Erau lala, sineu si amiu paņisi nane nepisa sur la nene pan amiu. Laņas sina sanini, sane:

“Visae laņasa akila viowa van amiu, ana ve akilali naņa ala nakoena van la. Akilia

aligania van Ntewa vena naga liṣere mare
la sirau, komin visena tai sike e Siriena Wa
rui, naṣa Ntewa sape,
*in ke narui naṣa yoko nela nakoena van yeririna
lala, inu ke narui naṣa yoko nelamaran va
la naṣa akila ke piowa.” Nav 32:35*

²⁰ A sanene, visae kiamiu nasinekar la asumã
ga, monar akila ruru la, sa naṣa visena na
Siriena Wa pisa, naṣa sape
*“Visae kioṃa nasinekar visokaria, ola kinanena
vania, visae moto karia, ola wii vania.
Visae okila sanene, yoko okila naga mawan
kiena ṣelaga viowa vaṣisi,
vano vano-o pona kekaran naṣa amiu lua ave erau
wo sina yo.” Pakaiwa 25:21,22*

²¹ Taveve suri la nene, nepisa sanene pan
amiu, nesape ve ataṃan re ṣelaga viowa taulu
amiu, ana monar ataulu ṣelaga viowa e kiamiu
ṣelaga wo lala.

13

*Li nalelagaena la monar avatanon yerkawa
lala amio ṣarin suṣe lala naṣa Ntewa pisir plan
la*

¹ Nagane sineun laen visena laṣasa e lepas
kiena li nasumonena lala. Tekilia tesape Ntewa
na mon manene laa metava, naga pe suṣen ke
suri punu ga, a naga ke narui ṣarin suṣe taṣena
la naṣa asike ne, mla ṃareraena pan la. Sanene,
ita li na lelagaena make ga monar tevtanon
ṣarin suṣe la nene, monar telogear la. ² Yaru la
naṣa visae asumã akilali naṣa avisaluṣar ṣarin
suṣe lala, asumã apisalūṣar ke suri naṣa Ntewa

pisirplania, a yoko Ntewa tañan ãarin suþe lala akilia ala nakoarena van la vanonia. ³ Ñarin suþe lala, Ntewa pe pisiriplan la re poli vena kilaen yeririna wo la amarau, ana naga pisiriplan la komin la naþa asuñã akilaro ke navisaluaena. La ke nene narui monar amarau, komin naþa visae ãarin suþe tol la yoko la nakoarena van la. A visae sinomãan sane ve omaraun re ãarin suþe, yoko monar okila mesmes ga e ya naþa yerikawa la apisa, ana yoko ve akila re viowa van ko, yoko akekaran ko. ⁴ Ntewa pisiriplan la sane ape kiena yaru na yuñãena lala, vena kilaen yuñãena wo naiilaen yeririna lala, a visae sinomãan kilaen ãaruñã, monar ovisuar ruruia, komin naþa asuñã aþarar ke mñena plaki, ana pe aþarar korenan re poli. Ntewa pisiriplan la, mligan e limala vena ala nakoarena van la naþa akila piowa. ⁵ Sanene, popon tewatanon ãarin suþe lala, komin naþa pe pon re tekila viowa poli vena ala nakoarena van ita. A nekilia sane kieta sitomena suñã pisu kilale ke mñena rui sape popon manene visae tesuñã tekila ke sur make ga wo mesmesu silaga. ⁶ Taveve visena la nene, popon tekekaran toul takis lala naþa monar tela va ãarin suþe, komin pog naþa ãarin suþe kila kiena yuñãena, suñã kila ke yuñãena naþa Ntewa mligan vena akila. ⁷ Sanene, monar akila sur punu ga naþa mesmesun akila. Visae kilavaru na takis e lepas na kilavaru naþa tesuñã tetauluia, pona kilavaru tai naþa monar tokoan vanon sur laþasa, na monar toulia. A

la naþa apuarar ke yuþaena kerkeviu lala, pona kiela kia pa metava loyuþa e þarin suþe lala, monar tekekaran la, mesmesun ga naþa tevatanon la.

Li na lelagaena lala monar akila wo va yaru taþena lala

⁸ Suri taþena tai, naga e lepas na lapui la naþa yaru la asuþa akila. Visae kioþa lapui teke e yaru tai, monar olamaran vania torokin ga ya naþa amiu lua apisaaria. A popon ositomyuli mþena sane kioþa lapui teke mþena e Ntewa, komin naga mla suri tai pan ko keviu manene rui. Suri nene naga sinesiena, a ko na monar olamaran ruru va yeririna taþena lala. Monar sinemþa sisi la naþa asike lavisin ko, komin yaru naþa kila ke sanene, naga sane naga mlogear make navisaluaena kiena ne Ntewa rui.

⁹ Visena kar la moki sike loyuþa e navisaluaena, sane la naþa apisa sanini, asape: Ve okila re kolau, pona ve oweþar re yaru mare, pona ve ovinau re, a ve sinemþa sun re suri kiena yaru taþena, a suri taþena la ne sanene. Ana visena na visaluaena make ga, asike vatanon pupia purþes nen navisaluaena tai naþa pisa sanini, sape: Monar sinemþa si yaru naþa sike lavisin ko, okila wo vania sa naþa osuþa okila ke sina ga pan ko. ¹⁰ Yaru naþa visae sinena si kemua yaru taþena lelaga, yoko naga taþatete nena kila sur naþa viowa vania. Sanene, þelaga na sinesiena yaru naga kilia kila sa naþa sane okilia ologear make visena la naþa Navisaluaena pisa. ¹¹ Ita na monar tekila ga þelaga wo la naþa,

komin nagane, pog pa ke narui. Monar tevisu kilale sane lavis pogos naña tesuñal ruru narui, ve tomomalio re sina. Pogos naña ita temlelaga mare ga na wa, ita tesitom tesape yoko Ntewa tamalia ita vetan yomarava nini pogos piavi ke ga wa, ana nagane, pimi ke lavisi rui.

¹² Nekilia nevisa sanini nesape lavis yemalo ñisi, yomerarava suña pimi ñalivi, ana popon toñisin ñelaga viowa lala na yemalolo, a monar towar sur na kilaen mara na ñelaga mesmesu na yomerarava, vena tekilia tomolue tevano vena tekila mara van sur viowa la nene. ¹³ Kieta malena monar mesmesu ruru wo, torokin naña tepe yeririna lala naña tesuña temial ke e yomerarava, a yoko monar teligan ñelaga viowa lala. Ve tekila re ñağagena kar la naña apulen ga kekarena na yomarava a yaru la amun wii vano-o akilalu ñarila lala. Ve tesuña tekila re suri naña yermene lala amio sira lala asuña aureurela kar ga sa ga nene, a asuña akila ke ñelaga namname lala. Ve tesuña teveveyun ita re, a ve tesikol ita re e vielueena lala. ¹⁴ Monar teligan ñelaga viowa naña tepaeme temio, a pe tesitoñal re na ñaveven kiena nasinenanena poli, ana sa naña tesuña temiyen ke ñata kulsota nowo e marana yeririna lala, monar teyen ñelaga mesmesu lala kiena ne Suñe Yesu Kristo e kieta malena, vena yeririna la avisu sane ita tepe kiena yeririna kemua la lelaga.

14

Popon li nalelagaena lala ve asuña avisa kare

la re sina vanon ga narin sur laḗasa

¹ Erau lala, sineun nesape akilia sa naḗa nemloge rui sane pupia visena tai sike e amiu nagane. Sane laḗasa, kiela sitomena mok liu e sur laḗasa, asape popon akila, pona viowa ga naḗa akila, pona amaraun asape visae akila, sa ḗis Ntewa ve kekaran la re sina.

Sineun nesape la ne sanene, nepisu sane la pe apiawa re m̄arera poli wa, ana pogos naḗa asike amio ita, ve tekilali re naḗa takawe manene laa, tekekaran naḗa toure la. ² Sanene, yar laḗasa akan kare ga kinanena lala amio m̄ena tata punu ga lala, a yar laḗasa asitom asape Ntewa sinenan sape avalia kinanena laḗasa, pona avalia tata.

³ Ana sineun nesape nevisa van amiu visae ko tai naḗa okan ke ga tata, ve ovisu re viowa e yaru naḗa palia, a visae ko tai naḗa opalia tata, ve oliḗere re naga naḗa suḗa kania, ovisave yoko Ntewa liḗere naga vanonia. Ntewa kekaran make ita ga, ana amiu m̄ena ga monar akekaran amiu. ⁴ Li nalelagaena make ga asum̄a apisu ke ga Ntewa asape naga pe kiela suḗe, ana naga ga kilia visa van la visave la veve taaga akila nene pona ve akila re nene. A sanene, pe pon re ita ga teliḗere ita si poli. A Ntewa pisu yeririna laḗasa akan tata, a laḗasa pe akan re tata poli, ana naga kekaran la make ga, komin naga kilia naḗa sape yoko Suḗe Yesu kilia suḗa iila la silaga vena asum̄a asum̄al m̄arera e naga.

⁵ A naga nene maran taaga e lepas na legiena lala. Yar laḗasa amla legiena tai asape pe kiela

legiena wa, a yar laḗasa apisu legiena lala asape maran taaga. Naga nene naga pogaga, ana ita make ga monar ita veve taaga tekila kieta sitomena lala, ana tesu ea, ana ve toḗareran re yaru taveve kieta sitomena. ⁶ Yar naḗa ḗareran sape la legiena tai sane kiena legiena wa, naga kila vanon sinenan sape visirlua kia kiena ne Ntewa ea. Yaru naḗa kekaran sape kan suri make ga, naga pisa ke potena pa Ntewa vanonia, ana pogos naḗa kinana, suḗa pisirlua ke kiena kia. Yar naḗa kila sane palia kinanena laḗasa, naga ḗena ga suḗa kila ke naḗa pisirlua kia kiena ne Ntewa, ana naga ḗena suḗa pisa ke potena pa Ntewa e kinanena taḗena la naḗa suḗa kania. ⁷ Monar tesitoḗalia, sane pe yar re tai naḗa kilia sike e yomarava nini sane yar taaga ga poli, vena kilaen sur make ga sa naḗa naga taaga sinenania, a pe ita yar re tai naḗa visae mare, ana sur nene pe kiena naga taaga ga. ⁸ Pe sa re nene poli, komin visae temali, temali naḗa tevisirlua kia kiena Suḗe, a visae temare, temaren naḗa tevisirlua kiena kia. Sanene, sur make naḗa tekila, monar tekila amio sitomena naḗa sane pe tekila re ga kieta nasinenanena poli, ana ita tepe kiena ne Ntewa, monar tetaveve ga kiena nasinenanena. ⁹ Nanene komin nanua ne, siraun naḗa Kristo mare, na suḗalu mal sina, ana kila naga pimi pe suḗen kiena yeririna la naḗa amare, a pe suḗen kiena yeririna la naḗa amali, ana silaga monar tesu ga vatanon kiena nasinenanena.

¹⁰ Ana sanene, pogos naḗa nalelagaena tai

sumã kila sur la taveve ðelaga marua kiena ne le Yu lala, ana sumã mliþere ke nalelagaena taþena naþa pe asumã akila re poli, naga nene na piowa manene laa paþisi. A pogos naþa yar tai ve kila re sanene, ana naga sumã pisu ke piowa e yar taþena naþa kila, naþa sane kiena puruvi tai loyumã e namratava kiena ne Ntewa, na nene pe ðelaga na mawaen tai.

Ve tesumã teliliþere ita re, komin naþa yoko ita make ga tesumãlu tese marana Ntewa na wa, a yoko naga ke narui naþa visuveve ruru ya naþa ita make ga tekila. ¹¹ Sur nene sike e Nasiriena Wa la rui, naþa Ntewa pisi, pisape

“In na nemal na nesike ne, ana nekilia nevisa ruru sane pogos na pimi ke ne naþa yoko yar make ga akinai vamon inu, a yoko yar make ga avisawal avisave in ga taaga nepe Ntewa.” *Ais 45:23*

¹² Sanene, yoko ita make ga teim e marana Ntewa, a yoko monar ita make ga veve taaga tevisawal sur la naþa tesumã tekila, a naga ke narui yoko visuvevea.

Monar ve okila re kioñã erau tai kiena navi-awaena loru

¹³ Taveve sitomena la nene, ve tevisuveve manene ita re sina ga, tevisayu ya naþa yar taþena kila, tesape po pona piowa ga. Ana ya naþa ita li nalelagaena lala monar tesitomia vena tekila sina van ita, naga sanini, sane monar ve tekila re sur tai naþa kilia kila nalelagaena kila pal mrapa pona kilia kila naga loru e mlamulena viowa. ¹⁴ Sane visae nesitomveve inu, nekilia

nesape nesum̃alar m̃arera ruru na nesike ne nemio Suḗe Yesu, ana nemlelaga m̃arera nesape taḗatete sur tai naḗa monar tevalia, ve takan re. A visave nalelagaena tai war sitomena visave kinanena tai pe torokin re kan po, naga pogaga, ana kana kinasa sane monar valia ruru nenaga, a ita taḗena lala monar tetam̃an naga taveve kiena sitomena nene. ¹⁵ A visae ositom ovisave kinanena la torokin ga nakanena, okilia osuḗa okania, a visae kiom̃a puruvi taḗena tai naga valia, ve okilali re naḗa ovisave naga m̃ena ga monar kania. Visae peraga, yoko okilia okila kare nena kiena sitomena, a naga nene naga pe ḗelaga wo re kiena ne ita yar la naḗa sineta sisi ita poli. Monar tesitom̃al tevisave Kristo maren nakilaen kieta malena imi wo, ana pe pon re tetam̃an narin sitomena e lepas na kinanena imi ve sur keviu naḗa suḗa kila kare si kieta malena poli.

¹⁶ A taḗena sina, visae sur tai naḗa ko opisu sane pogaga vena kilaena, naga pogaga, ana pe pon re naḗa osuḗa okila ḗisi na kila kare sitomena kiena nalelagaena taḗena tai, vano-o kila yar taḗena lala avisa kare kieta kia ita li nalelagaena lala vanonia. ¹⁷ E lele nene tesuḗa tepisayu visena la na lepas nene naḗa sape yoko tekilia tomun ya pona takan ya, pona monar tevalia namunena ya pona kinanena ya, ana monar ve sineta ḗesan re tesape nanene naga pe sur keviu re tai nene poli loyuḗa e nasuḗenena kiena ne Ntewa. Ana kana pupia sur ne lala, nane naḗa ita tekila ḗelaga wo na malena mesmesu, a tese suḗare temio yar taḗena lala,

a tetol kekarena naña Ninuna Wa sumña mlavia. ¹⁸ A pogos naña tela sur la nene ve keviu e kieta sitomena, tekila ke yuññaena wo naña Kristo sinenania, ana yoko Ntewa kekarana ita vañisi vanonia, a yoko yar tañena lala avisu sane po pañisi.

¹⁹ Sanene, silaga ita make ga monar tomãreran li naña tekila ðelaga wo naña kilia ligan sumãre sike e ita li nalelagaena lala, a naña aiila ita make ga kieta sitomena la imi marua nena napo.

²⁰ Kinanena naga sane pe sur re ta nene poli, ana pe pon re tekila naga imi ve sur ta naña kila kare ke sina ga yuññaena wo naña Ntewa kila e malena kiena nalelagaena tañena la rui. Nepisa sanene, nesape kinanena make ga po torokin kanena, ana pe pon re okan sur tai narui yar tañena visuia ana kila naga loru, naga kila sur tai naña sitom sape pe popon re naga kila poli.

²¹ Ana kana ðelaga wo na kilaena naga sanini, sane ve okan re tata, pona ve omun re kuruta, pona ve okila re si sur tai, visae pogos naña kioñña puruvi visuia, kilia kila kare naga, kilia kila naga loru. ²² Sanene, visae kioñña sitomena lañasa e lañas na narin sur naña ositom osape pogaga nakilaena pona ositom osape pe pon re okila poli, naga pogaga, ana owarar ruru sumña ve kiamiu ga amiu lua Ntewa, ve ova ologon re e yo make ga. Yar naña kila ga ya naña naga kilia sape mesmesun ga naña kila, yoko Ntewa kekarania, a naga pe mloge re piowagan poli sape kila sur piowa. ²³ Ana visae yar nene kiena sitomena veve lua e lepas na ya naña

kilia kania, ana kan ga, yoko Ntewa tařatete kekarania. Nanene komin nařa yar nene sitom rui sape kila sur nene, pona pe po re e marana Ntewa poli yo, ana pe sur korena ga, naga kila ga. Sanene, naga kila pa mlamulen piowa narui, komin nařa naga pe miyumaẽ re amio kiliaena e ya nařa po pona piowa e navisuena kiena ne Ntewa.

15

Amareran li nařa akila ke sina ga wo van amiu

¹ Ita mokliu nařa tesumaļu m̃arera ga tesike e Kristo, a pe kieta sitomena peve lua re poli e lepas na narin sur lala nařa li nalelagaena tařena lala asuma apeveyu ke ea. Ana ita na sanene, monar ve tekila re ga ya nařa sinetan kilaena, ana monar tekila kieta sitomena la ve piayavi ruru wo va nalelagaena tařena lala nařa asitom ke asape tařatete akila sur lařasa nařa tesitom tesape tekila woga ga. ² Ita make ga, monar tesitomaļu li nalelagaena tařena la nařa asike lavisin ita, a monar tekila ya nařa la asitom asape po, vena akekarania, a vena iilaen kiela malena amio Suře. ³ Visae tesitomaļu Kristo, naga sike e yomarava naga pe kila re ya nařa naga sinenan sape kila poli, ana naga pane pog m̃arera yam mokliu, akila pania sa nařa visena tai na Tus na Yauena pisa, nařa yar tai pis pa Ntewa, sape

“Visen viowa la nařa akoven pan ko, akoven m̃ena pan inu maran taaga.” *Yauena 69:9*

⁴ Visena la ne sanene, nařa asike e Nasiriena Wa la nanua sumo, asiria vena vian ruru itaen la

naña teim sirau, ana touloia, akilia akila kieta sitomena la m̄arera ruruia vena ita m̄ena tekilia teva teyupor e pog m̄arera lala. Visena la nene vena iila itaena, akila tekilia ruru tesape yoko monar tetaulu sur make la naña Ntewa pisaaria.

⁵ Sanene na, nemlen ke pa Ntewa vanon amiu, komin naga ke narui naga pe purp̄es nen sitomena viavi, naga ke narui naña kilia iilar malena kiena yaru, a nemlogin ke tania vena kila sane asum̄a ataveve p̄elaga kiena Kristo Yesu, asum̄a ruru ga veraga amio p̄elaga na ve taagaena, ⁶ naña kiamiu sitomena ve taaga a kiamiu visena ve taaga, ana yoko ayeluar ruru Ntewa, naña naga pe armanane kieta Supe Yesu Kristo.

⁷ Sanene, amiu le Yu lala, amio kam la naña pe ape Yu re poli, pogos naña asum̄a apim ke lele taaga, ana akekan ga naña aworworun amiu punu ga aim loyuma, sa ga naña Kristo kekan worworun itaena. Pogos naña visae akila ve sanene, naga pe mrapa si tai naña vena visirluaena kia kiena ne Ntewa. ⁸ A popon naña akila ve sa nene, komin Kristo pitomi e yomarava, pe kila re ga yumaena pan le Yu la poli, ana kila m̄ena pan la naña pe ape Yu re poli. Sane e lapas kiena le Yu lala, kila ya naña Visena Wa kiena ne Ntewa pisa, kila naña navisaarena lala naña Ntewa kila pa apua kana le Yu lala, pimi pe lelaga. ⁹ A e lepas kiena la naña pe ape Yu re poli, naga kipianli lemamiena kiena ne Ntewa pan la, kila vena ayeluardia, maran taaga e naña Siriena Wa la apisa. Tai naña pis p̄esania sike e Tus na Yauena, naña sape

“Nesike likan wolawa lala, nemieluar kioṃa kia, yoko nelotun ko e yauena wa lala.” Yauena 18:49

¹⁰ A taṓena, sike e Tus Navisaluaena lala, pisape
*“Kam wolawa lala, aimi vai amio nena yeririna
 lala kiena ne Ntewa naṓa le Yu lala, amiu
 make ga akekara!” Naw 32:43*

¹¹ A tai sina sike sina e Tus na Yauena lala, sape
*“Amiu naṓa pe ape Yu re poli, avisirlua kia kiena
 ne Ntewa,
 Amiu yeririna na yo make ga aieluaria.” Yauena
 117:1*

¹² A na maro molue kome Tus kiena Aisea, pisayu
 Navisaarena kiena le Yu lala, sape yoko naga
 sumon ṃena la naṓa pe ape Yu re poli. Ana
 visena nene pisa sanini, sape
*“Yoko lus kiena yermarua Sese tai ṃalivi,
 naṓa yoko Ntewa ligan lua naga metava ve suṓen
 li taṓena la naṓa pe ape Yu re poli,
 ana yoko awasinea vena naga kila navisa ruruena
 kiena ne Ntewa imi ṃalivin la.” Ais 11:10*

¹³ Ana nemlenin amiu sina pa Ntewa, naṓa tek-
 ilia towasine ga kiena visaarena lala, nemlogin
 vena awasine ṃa naga vano-o kiena kekarena
 make ga a kiena sumṃare imi ulemamaga e
 kiamiu malena, ana kila vena ṃareraena kiena
 Ninuna Wa kilia yuṃae e amiu vena kila sa naṓa
 amiu asuṃa aṓasine ke kiena navisaarena lala,
 imi uleule va va sa nene.

*Pol pisayu pa le Rom lala e lepas na kiena
 yuṃaena naṓa kila pa la naṓa pe ape Yu re poli*

¹⁴ Erau lala, pe nesitom ṓele amiu re poli, ana
 nekilia ruru nesape amiu sinemiu la po paṓisi,
 akilia ruru sur la moki rui, a kam na atorokin

naþa akilia avian amiu sina e visena kiena ne Ntewa la ve moki. ¹⁵ Sanene, pona ailan towe laa m̃ak nini yo, apisu naþa nesuñalu nepisayu sur m̃arera la moki towe laa pan amiu sane, a nepisayu ke sina ga sur laþasa naþa pona kam na asape akilia yo rui. Ana nepisu sane monar nekila ve sa nene, komin Ntewa mligan nakiliaena nakilaen yuñena nene e luñau vena nekila, sane nalaena wo tai, ¹⁶ vena neim sane yar na yuñena kiena Yesu Kristo vena visawalena Lologena Wo kiena ne Ntewa va yar la naþa pe ape Yu re poli. Nekila yuñena nene, in na sane yar wa tai naþa nemiyuñae ke loyuñe e Yuñe Wa m̃ana Ntewa, nekila la naþa pe ape Yu re poli vena aim ave wa ruru nenaga, neyawawo la e kia kiena Ninuna Wa, vena akilia aim sane nalaena wo tai naþa pa Ntewa naþa yoko kekaran vaþisi. ¹⁷ Sanene, imimi lua Kristo Yesu memiyuñae ke veraga, a nekekaran naþa inu m̃ena nekila ke yuñena kiena ne Ntewa komþasa. ¹⁸ Ve nevisin re kulin wowe, ana nekilia nevisave noþarwar inu paþisi e ya naþa Kristo miyuñen pimi m̃alivi kome inu, komin nagane, imimi lua moþere la naþa pe ape Yu re poli apim lavisin Ntewa, asuñe apatanonia. Nepisawal visena lala, nekila yuñena moki, ¹⁹ Ntewa kila kile la naþa peve taþena, nam̃areraena kiena Ninuna Wa miyuñae, ana kila sane lologena wo kiena Kristo pa vanua make nenaga e yo la moki, siar gar Yerusalem pa nena perina yalen silau pa tol pupia lepas naþa Lirikam. ²⁰ Ana nepisu sane pe torok re poli wa, kiau sitomena m̃arera

tai tomã e inu naþa sape monar neva laa sane wa. Ana pe nesitom re nesape neva e naþa kia kiena ne Křisto pa pa e rui, komin pe sineun re nesikol yuñãena naþa yar taþena siar pa rui, ana sineun nesape neva e yo naþa yar la pe akilia re naga poli wa. ²¹ Nanene sane visena tai naþa navisawalena Aisea pisawal nanua rui, naþa pisayu Navisaarena, pisape
*“La naþa pe yar pisawal re naga pan la poli wa,
yoko akilia avisu kilalea,
la naþa pe amlogeli re kiena kia poli wa, yoko
alokekilalea.”* *Ais 52:15*

Pol maplanar ruru naþa va m̃alivin le Rom lala

²² Sa naþa nepisa þa rui, yam mokliu naþa sineun nesape neim nom̃alivin amiu gar Rom, ana nesuñã nekila ke yuñãena la e yo taþena lala, a sur taþena m̃ena la moki paþisi pano-o pe nom̃al re kana pulmas tai poli wa. ²³ Ana nagane, nepisu sane kiau yuñãena e lepas nini naþa Esia sane þisi narui, a sitomena naþa sike e inu kas mokli rui, sane sineun nesape neim nom̃alivin amiu re, nom̃ape pona woga ga yo narui. ²⁴ Nekila ruru ke nesape noure matan e nini neva yalen sila u gar pupia purvanua naþa Spen, ana nesitom ke nesape yoko nokom pun amiu, vena tekilia tesu re veraga telual pog wo tai sanene temio ita sumo wa. Yoko taþatete nesike ve piavi ve sa naþa sineunia, ana visae akilia akila sur laþasa vena iila inuena e kiau mrapa, yoko nela sina ga kiau mrapa nevano. ²⁵ Ana nanene pe nagane re poli, komin naþa

yoko neva nokom ke ne Yerusalem sumo na wa, komin naña kiau narin yumãena tai vena kilaen va li nalelagaena kiena ne Ntewa la naña asike e nene sumo. ²⁶ La asike e pog m̃arera tai nagane, naña la mokliu pe kiela sur re poli, limala korena ga, ana ãegas nen li nalelagaena la nae yo make ga naña Masitonia amio Kris, amloge, ana la ga añar sitomena nene naña asape popon akuan kilavaru tai vena iila laena. ²⁷ Nanene sur wo tai naña akila taveve ga kiela sitomena, ana nepisu sane naga pe sur wo tai naña monar akila kemua. La nene pe ape Yu re poli, ana e kiela malena amio Suþe, añar navisa ruruena moki kiena ne Ntewa pimi e la, kome le Yu lala, ana pogos naña le Yu la nene atol m̃ena ga pog m̃arera, popon la naña pe ape Yu re poli, akila maran towe van la, aiila la e sur lañas naña limala plasania.

²⁸ Ana kilavaru nene naña amiyuwon poloia, amligan e lumãau vena nowar vano, ana pogos naña neva neligan ruru sike amio le Yerusalem la narui, yoko nowasuþe in sina neim nokom pun amiu gar Rom, siraunia yoko neva yalen sila u gar Spen. ²⁹ A nemninu rui visae pogos naña noworun amiu, yoko wo na wo van ita make ga, yoko neim nemio navisa ruruena wo kiena ne Kristo la ve moki naña nevion van amiu.

³⁰ Erau lala, sineun nesape neviun manene van amiu e kia kiena kieta Suþe Yesu Kristo, nesape asitomãl in m̃a e kiamiu leniena lala. Nekilia nesape apulemamaga amio sinesiena naña Ninuna Wa mlavia, ana popon alen wo

inu manenea, asikol kiamiu leniena amio kiau leniena naþa noþion ke nesape nelen silaga.

³¹ Pogos naþa nepa netol lepas naþa Sutea vena neva Yerusalem, la mokliu naþa pe sinelan re naþa alelaga e Lologena Wo poli asike ea, ana pe nekilia re nesape yoko la asitom akila ya ne van inu, ana nemié awis pan amiu vena alen va Ntewa kilawo inu e kiela sitomena viowa lala e inu. A monar alen mēna ga sane li nalelagaena wa lala naþa asike gar Yerusalem, yoko akekaran ala narin kilavaru naþa yoko nekian van la.

³² Ana visae sur make ga torokin nasinenanena kiena ne Ntewa, yoko nekilia nomālivin amiu amio pupia kekarena na losineu, a yoko nekilia nesu ruru nemio amiu, neva ruru inu sumo wa.

³³ A in mēna nesuñā nemlen wo amiu, nesape yoko kieta Ntewa, purþes nen suñare, sike amio amiu vano-o ve uro re.

16

Pol pisawal sur laþasa pa li nalelagaena lala gar Rom

¹ Erau lala, sineun kaloen kiau mākī e visena laþasa e lepas na kam laþasa. E lepas na vineta naþa Vipi, naþa naga ke narui þar māk nene pimi mālavin amiu, sineun akilia sa naþa naga pe yaru na visuaren yuñāena wo tai na þegas kiena ne li nalelagaena lala nae pulkumali naþa Kenkria,

² ana popon akekaran naþa aworworun naga, aure naga sane vinemiu tai loyūñā e namratava mēna Suþe, sane torokin nenaga naþa ita li nalelagaena lala tekila van ita. Awis aiila naga e ya naþa naga limana plasia, komin naþa naga

pe sira wo tai naþa pe erau wo amio imimi moki, miila ruru imimi po paþisi.

³ Sineun mēna ga nesape avisa kiau pokolulagi pona pokolemalo va sira wo taþena nene Priska, amio wona na yermēne Akwila, naþa mepe yar na yuñaevaena e yuñaeana kiena Kristo Yesu.

⁴ Lelaga naþa, pogos tai nanua ne, nesike e lepas na marena rui, ana lalua akila naþa lavis akilalu kiela malena naþa apim atamalia inu, ana nepisa potena pan la vanon paþisi. A pe in ga taaga re poli, ana þegas nen li nalelagaena taþena mēna laþasa e lepas nene la mēna apisa potena pan lalua vanon ya naþa akila ne. ⁵ A pokolulagi pona pokolemalo naþa nepisa pan lalua, sineun nevisa mēna va taþena la naþa asuñā loyuñā e narin þegas nen li nalelagaena lala naþa apiora ke lele taaga e mēla loyuñā lalua.

Sineun nesape nevisa mēna ve sa nini va la nene, sane kiau erau wo naþa Eþanatas, naþa naga pe yar þesa e pupia lepas na Esia naþa naga mlelaga e Yesu, ⁶ a Maria, naþa naga kila yuñaeana wo moki likan amiu, ⁷ a yar lua taþena na kiau yo nene Antronikas amio Sunia, naþa nanua ne imimi make ga mesike e yuñā na koaena veraga. Nalologena lalua nene, lalua amlelaga e Yesu nanua rui, sumon inu, a lalua aþar kia wo paþisi e nalologena taþena lala.

⁸ Laþas ke sina ga, nane Ampliatas, naþa Suþe kila sane imimi lua mepe erau wo, ⁹ a Uþanas, naþa memiyuñāe lele taaga memio e lologena wo kiena Kristo, a kiau puruvi wo nene Stakis,

¹⁰ a Apelesi, naþa pe sur koren ga naþa pupia na kilaliena pimi pania, ana naga suñalu ñarera e Kristo.

A nevisa ñena pokolulagi a pokolemalo va la ne mratava puna Aristopeulas, ¹¹ a taþena naþa imimi lua kiamimi visena taaga nane Erotian, a li nalelagaena kiena namratava puna Narsisas, ¹² a sira wo lalua na yuñena kiena Suþe nene, Traepina amio luena Traeposa, a vineta ñena naþa Pesis, naþa sineta si naga paþisi, a naga kila yuñena kiena Suþe moki manene laa rui, ¹³ a Rupus, nasumonena wo na yuñena kiena Suþe, amio anena naþa naga kila inu sa ga narina nenaga.

¹⁴ A laþas sina nane Asinkritas, Plekon, Emes, Patroþas, a Emas, amio ñena puruvi taþena la naþa asike amio la, ¹⁵ a naga sina, pe sineu þesan re Pilologas, Sulia, Nereas amio vinena, a Olimþas, amio li nalelagaena wa taþena la naþa akila lotena pa lele taaga.

¹⁶ Nekekaran naþa nepitawe amiu make ga e kiau ñaki nini, a amiu ñena monar aworworun ruru amiu, akila kiamiu sinesiena imi kate e namunen pipimiu e sinewoena. A þegas nen li nalelagaena kiena Kristo ñena lala e lepas la nene apisawal asape asuñã asitomñal amiu ke e kiela leniena lala.

¹⁷ Erau lala, nepiun ñareran ke sina ga pan amiu nesape monar avisu ruru la naþa asuñã asiar ke veveyuena, akila ke li nalelagaena la amliliþere la, a asuñã akawe ke visena na vianena la naþa amiu atol pa rui. A pogos naþa

apisu ruru la, ve ava re lavisin la. ¹⁸ Na nene komin naþa yaru kar la ne sanene, pe akila re yumãena kiena kieta Suþe Kristo poli, ana la asuñã ataveve ke ga kiela sinenanena viowa lala. Akilia avisawal sur ve moki naþa wo na wo, ana visen kiki ga la ne, a asuñã akilali nena sitomena ken yar la naþa pe akilia ruru re sur poli. ¹⁹ La punu ga akilia ruru rui asape amiu asuñã amlogear ruru ke visena lala kiena ne Ntewa, a nanene kila nekekara paþisi, ana monar avisuar ruruia e lepas na sur naþa po, monar yepemiu m̃ae ruruia, a e lepas na sur viowa lala, monar ve kala narin namname tai to re nena e amiu.

²⁰ A visae akila ve sa nene, yoko kila mrapa kiena kieta Ntewa na suñare, kila Yermare sike vatanon lolamiu lala vena aviemumuia. A kiau leniena nesape yoko lemamiena kiena kieta Suþe Yesu Kristo sike amio amiu.

²¹ Erau naþa Timote naþa imimi lua memiyuñae lele taaga, pisa pokolulagi a pokolemalo pan amiu, a la telu nene nae kiau yo, Lusias, Sason, amio Sosipata, la m̃ena apisa.

²² In naþa nemlarar sur na siriena, nesiri m̃aki kiena Pol nini pan amiu, kiau kia Tesias, a in m̃ena ga sineun nesape nekekara paþisi naþa nevitawe amiu e m̃aki nini, e kia kiena Suþe.

²³⁻²⁴ Pogaga, inu si Pol nene nesiri ne, ana lavis nesiri make kiau m̃aki narui, a pokolulagi a pokolemalo piñasu ke pan amiu, pimi kome la telu nene, Kaias, naþa nesike e m̃ana uñã,

a naña li na lotena nae e yo nene asuñã apim ke lele taaga e ñana uña, a Erastas, naña naga yerkaawa na visuaren kilavaru na pulkumali nene, a kieta puruvi naña, Kotas.

²⁵ Ana e kiau visena maro, sineun nesape nela maran si nayeluarena make ga va Ntewa. Nemlen nesape yoko naga la visena la na Lologena Wo, amio navianena wo la naña apisayu Yesu Kristo naña nemla pan amiu rui, ligan ruru sike e kiamiu malena lala, vena asuñal ñarera e legiena na pimi ke ne. Visena wo lelaga la nene, yar la pe akilia re poli e kas la moki ãaro pa rui, ana nagane Ntewa kipian ita. ²⁶ Nanua, yar la apulo visena lala kiena navisaluaena lala, aminue asape visen lelaga la nene asike loyuña e la, ana nagane, mepisawal meraravana, a ita punu ga tekilia telogekilalea. A Ntewa, sane naga naña sike nakonua rui a yoko sike sike nena, naga pisaar sape Lologena Wo nene monar va vanua va yeririna na purvanua make ga, vena la ñena akilia aloge, a akilia alelaga ea.

²⁷ Naga taaga pe Ntewa, naga taaga pe purñes nen manmaruaena, a naga taaga naña Yesu Kristo kila kieta mrapa na lotunena, vano vano ve uro re pogos tai.

Inu, Pol.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 3 Mar 2023 from source files dated 22 Nov 2019

ee028e1c-7e53-571d-8041-681daaf580e8